



IZVJEŠTAJ O FINANSIJSKOJ REVIZIJI

MINISTARSTVA ZA NAUKU, VISOKO OBRAZOVANJE I MLADE KANTONA SARAJEVO

2025.

Broj: 01-02-07-11-2-3226-7/25



Sarajevo, juli 2026.





SADRŽAJ

I.	IZVJEŠTAJ NEZAVISNOG REVIZORA	1
1.	IZVJEŠTAJ O REVIZIJI FINANSIJSKIH IZVJEŠTAJA	1
2.	IZVJEŠTAJ O REVIZIJI USKLAĐENOSTI	2
II.	REZIME DATIH PREPORUKA.....	4
III.	KRITERIJI ZA FINANSIJSKU REVIZIJU.....	5
IV.	IZVJEŠTAJ O REVIZIJI.....	6
1.	UVOD	6
2.	PREDMET, CILJ I OBIM REVIZIJE	6
3.	PRAĆENJE PRIMJENE PREPORUKA I ANALIZA PREDUZETIH MJERA	6
4.	SISTEM INTERNIH KONTROLA	7
5.	OBAVLJANJE POSLOVA IZ NADLEŽNOSTI	9
6.	PLANIRANJE I IZVJEŠTAVANJE	10
6.1	Izrada i donošenje budžeta	10
6.2	Izvještavanje.....	11
7.	FINANSIJSKI IZVJEŠTAJI	11
7.1	GODIŠNJI IZVJEŠTAJ O IZVRŠENJU BUDŽETA.....	11
7.1.1	Prihodi i primici	11
7.1.1.1	Neporezni prihodi	11
7.1.1.2	Primljeni transferi i donacije	11
7.1.2	Rashodi, izdaci i finansiranje.....	12
7.1.2.1	Plaće i naknade troškova zaposlenih	12
7.1.2.2	Izdaci za materijal, sitan inventar i usluge.....	14
7.1.2.3	Tekući transferi i drugi tekući rashodi	16
7.2	BILANS STANJA.....	20
7.2.1	Gotovina, kratkoročna potraživanja, razgraničenja i zalihe.....	20
7.2.2	Stalna sredstva	20
7.2.3	Kratkoročne obaveze i razgraničenja.....	21
7.2.4	Popis imovine i obaveza	21
8.	JAVNE NABAVKE	22
9.	KOMENTARI NA NACRT IZVJEŠTAJA.....	23
V.	PRILOZI	24
1.	GODIŠNJI FINANSIJSKI IZVJEŠTAJI.....	24
2.	IZJAVA RUKOVODSTVA	24



I. IZVJEŠTAJ NEZAVISNOG REVIZORA

Izvještaj nezavisnog revizora daje se na osnovu provedene finansijske revizije, koja obuhvata reviziju finansijskih izvještaja i reviziju usklađenosti aktivnosti, finansijskih transakcija i informacija s relevantnim zakonima i drugim propisima.

1. IZVJEŠTAJ O REVIZIJI FINANSIJSKIH IZVJEŠTAJA

Mišljenje

Izvršili smo reviziju finansijskih izvještaja **Ministarstva za nauku, visoko obrazovanje i mlade Kantona Sarajevo (u daljnjem tekstu: Ministarstvo)**, koji obuhvataju: Bilans stanja na 31. 12. 2025. godine, Račun prihoda i rashoda, Izvještaj o kapitalnim izdacima i finansiranju, Posebne podatke o plaćama i broju zaposlenih, Godišnji izvještaj o izvršenju budžeta za godinu koja se završava na taj dan, te Analizu iskaza – tekstualni dio, uključujući i rezime značajnih računovodstvenih politika.

Prema našem mišljenju, finansijski izvještaji istinito i fer prikazuju, u svim materijalnim aspektima, finansijski položaj Ministarstva na 31. 12. 2025. godine i izvršenje budžeta za godinu koja se završava na taj dan, u skladu s prihvaćenim okvirom finansijskog izvještavanja.

Osnova za mišljenje

Reviziju finansijskih izvještaja obavili smo u skladu sa Zakonom o reviziji institucija u Federaciji Bosne i Hercegovine i INTOSAI Okvirom profesionalnih objava.¹ Primijenjeni standardi su ISSAI 100 – Osnovni principi revizije javnog sektora, ISSAI 140 – Upravljanje kvalitetom za vrhovne revizijske institucije, ISSAI 200 – Principi finansijske revizije i ISSAI 2000–2899 – standardi finansijske revizije. Naše odgovornosti prema INTOSAI Okviru profesionalnih objava detaljnije su opisane u odjeljku *Odgovornost revizora za reviziju finansijskih izvještaja*.

Nezavisni smo od Ministarstva u skladu s ISSAI-jem 130 – Etički kodeks, te u skladu s etičkim zahtjevima koji su relevantni za našu reviziju, i ispunili smo ostale etičke odgovornosti u skladu s tim zahtjevima.

Vjerujemo da su revizijski dokazi koje smo pribavili dovoljni i odgovarajući da osiguraju osnovu za naše mišljenje.

Isticanje pitanja

Skrećemo pažnju na sljedeće pitanje:

- **Vlada FBiH je krajem 2025. godine odobrila sredstva na ime dodjele finansijske pomoći budžetima kantona za provođenje strukturalnih reformi. U postupku revizije nije prezentiran akt Vlade Kantona o načinu raspodjele dodijeljenih sredstava, od kojih je dio od 3.500.000 KM iskazan na poziciji primljenih transfera Ministarstva. S obzirom na to da su sredstva dodijeljena kantonima na ime finansijske pomoći za provođenje strukturalnih reformi, s tim da se 20% sredstava može utrošiti za provođenje demografske politike i mjera u kantonima, u pitanje se dovodi i namjenski utrošak sredstva u iznosu od 1.000.000 KM, koja su doznačena Akademiji nauka i umjetnosti BiH za sufinansiranje redovne djelatnosti (tačka 7.1.1.2 Izvještaja).**

Naše mišljenje nije modifikovano u vezi s navedenim pitanjem.

¹ Odluka o usvajanju i objavi INTOSAI Okvira profesionalnih objava („Sl. novine FBiH“, broj 17/25). INTOSAI Okvir profesionalnih objava (engl. IFPP) čini tri nivoa objava: INTOSAI principi (INTOSAI-P), međunarodni standardi vrhovnih revizijskih institucija (ISSAI) i INTOSAI smjernice (GUID).



Odgovornost rukovodstva za finansijske izvještaje

Ministrica je odgovorna za izradu i fer prezentaciju finansijskih izvještaja, u skladu s prihvaćenim okvirom finansijskog izvještavanja u Federaciji Bosne i Hercegovine. Ova odgovornost podrazumijeva i kreiranje, primjenu i održavanje internih kontrola, relevantnih za pripremu i prezentaciju finansijskih izvještaja koji ne sadrže materijalno značajne pogrešne iskaze usljed prevare ili greške, odgovarajuća objelodanjivanja relevantnih informacija u napomenama uz finansijske izvještaje, kao i odabir i primjenu odgovarajućih računovodstvenih politika i računovodstvenih procjena koje su razumne u datim okolnostima.

Odgovornost revizora za reviziju finansijskih izvještaja

Naši ciljevi su steći razumno uvjerenje o tome da li su finansijski izvještaji kao cjelina bez značajnog pogrešnog prikaza usljed prevare ili greške, kao i izdati izvještaj nezavisnog revizora koji uključuje naše mišljenje. Razumno uvjerenje je visok nivo uvjerenja, ali nije garancija da će revizija, obavljena u skladu s INTOSAI Okvirom profesionalnih objava, uvijek otkriti značajno pogrešno prikazivanje kada ono postoji. Pogrešni prikazi mogu nastati usljed prevare ili greške i smatraju se značajnim ako se razumno može očekivati da, pojedinačno ili zbirno, utiču na ekonomske odluke korisnika donesene na osnovu tih finansijskih izvještaja.

Kao dio revizije, u skladu s INTOSAI Okvirom profesionalnih objava, stvaramo profesionalne procjene i održavamo profesionalni skepticizam tokom revizije. Mi također:

- prepoznavamo i procjenjujemo rizike značajnog pogrešnog prikazivanja finansijskih izvještaja, zbog prevare ili greške, oblikujemo i obavljamo revizijske postupke kao reakciju na te rizike i pribavljamo revizijske dokaze koji su dovoljni i primjereni da osiguraju osnovu za naše mišljenje. Rizik neotkrivanja značajnog pogrešnog prikazivanja, nastalog usljed prevare, veći je od rizika nastalog usljed greške, jer prevara može uključiti tajne sporazume, krivotvorenje, namjerno izostavljanje, pogrešno prikazivanje ili zaobilaženje internih kontrola;
- stičemo razumijevanje internih kontrola relevantnih za reviziju kako bismo oblikovali revizijske postupke koji su primjereni u datim okolnostima, ali ne i za svrhu izražavanja mišljenja o uspješnosti internih kontrola Ministarstva;
- ocjenjujemo primjerenost korištenih računovodstvenih politika i razumnost računovodstvenih procjena, kao i povezanih objava rukovodstva;
- ocjenjujemo cjelokupnu prezentaciju, strukturu i sadržaj finansijskih izvještaja, uključujući i objave, kao i odražavaju li finansijski izvještaji transakcije i događaje na kojima su zasnovani na način kojim se postiže fer prezentacija.

Mi komuniciramo s rukovodstvom, između ostalih pitanja, i u vezi s planiranim djelokrugom i vremenskim rasporedom revizije i važnim revizijskim nalazima, uključujući i one u vezi sa značajnim nedostacima u internim kontrolama, koji su otkriveni tokom revizije.

2. IZVJEŠTAJ O REVIZIJI USKLAĐENOSTI

Mišljenje s rezervom

Uz reviziju finansijskih izvještaja **Ministarstva za nauku, visoko obrazovanje i mlade Kantona Sarajevo za 2025. godinu** izvršili smo i reviziju usklađenosti aktivnosti, finansijskih transakcija i informacija s relevantnim zakonima i drugim propisima.

Prema našem mišljenju, osim za navedeno u odjeljku *Osnova za mišljenje s rezervom*, aktivnosti, finansijske transakcije i informacije Ministarstva za 2025. godinu u skladu su, u svim materijalnim aspektima, sa zakonima i drugim propisima koji su definisani kao kriteriji za datu reviziju.



Osnova za mišljenje s rezervom

Kao što je navedeno u Izvještaju:

- 1. Raspodjela sredstava tekućeg transfera za realizaciju Programa podrške realizaciji projekata mladih u iznosu od 144.975 KM izvršena je bez primjene jasnih i mjerljivih kriterija. Naime, za navedeni transfer nije definisana dokumentacija kojom se dokazuje njihova ispunjenost. Navedeno ukazuje na to da nije osigurano transparentno upravljanje budžetskim sredstvima u skladu sa Zakonom o budžetima u FBiH (tačka 7.1.2.3 Izvještaja).**
- 2. Provedenim godišnjim popisom nije izvršeno usklađivanje knjigovodstvenog sa stvarnim stanjem stalnih sredstava i obaveza, što nije u skladu sa Zakonom o računovodstvu i reviziji u Federaciji BiH (tačka 7.2.4. Izvještaja).**

Reviziju usklađenosti izvršili smo u skladu sa Zakonom o reviziji institucija u Federaciji Bosne i Hercegovine i INTOSAI Okvirom profesionalnih objava. Primijenjeni standardi su ISSAI 100 – Osnovni principi revizije javnog sektora, ISSAI 140 – Upravljanje kvalitetom za vrhovne revizijske institucije, ISSAI 400 – Principi revizije usklađenosti i ISSAI 4000 – Standard za reviziju usklađenosti. Naše odgovornosti prema INTOSAI Okviru profesionalnih objava detaljnije su opisane u odjeljku *Odgovornost revizora za reviziju usklađenosti*.

Nezavisni smo od Ministarstva u skladu s ISSAI-jem 130 – Etički kodeks, kao i u skladu s etičkim zahtjevima koji su relevantni za našu reviziju, i ispunili smo ostale etičke odgovornosti u skladu s tim zahtjevima.

Vjerujemo da su revizijski dokazi koje smo pribavili dovoljni i odgovarajući da osiguraju osnovu za naše mišljenje s rezervom.

Odgovornost rukovodstva za usklađenost

Pored odgovornosti za pripremu i fer prezentaciju finansijskih izvještaja, ministrica je odgovorna da osigura da aktivnosti, finansijske transakcije i informacije budu u skladu s propisima kojima su regulisane i potvrdi da je tokom fiskalne godine obezbijedilo namjensko, svrsishodno i zakonito korištenje raspoloživih sredstava za ostvarivanje utvrđenih ciljeva, te ekonomično, efikasno i efektivno funkcionisanje sistema finansijskog upravljanja i kontrole.

Odgovornost revizora za reviziju usklađenosti

Pored odgovornosti da izrazimo mišljenje o finansijskim izvještajima, naša odgovornost podrazumijeva i izražavanje mišljenja o tome da li su aktivnosti, finansijske transakcije i informacije, u svim materijalnim aspektima, u skladu sa zakonima i drugim propisima kojima su regulisane. Razumno uvjerenje je visok nivo uvjerenja, ali nije garancija da će revizija, obavljena u skladu s INTOSAI Okvirom profesionalnih objava, uvijek otkriti značajnu neusklađenost kada ona postoji. Odgovornost revizora uključuje obavljanje procedura kako bi pribavili revizijske dokaze o tome da li se sredstva koriste za odgovarajuće namjene i da li je poslovanje Ministarstva, prema definisanim kriterijima, usklađeno sa zakonima i drugim propisima. Procedure podrazumijevaju procjenu rizika od značajnih neusklađenosti sa zakonima i propisima koji regulišu poslovanje subjekta revizije. Također, naša odgovornost podrazumijeva i ocjenu finansijskog upravljanja, funkcije interne revizije i sistema internih kontrola.

Sarajevo, 8. 7. 2026. godine

ZAMJENICA GENERALNOG REVIZORA

Nina Džidić, s. r.

GENERALNI REVIZOR

Mirza Kudić, s. r.



II. REZIME DATIH PREPORUKA

REDNI BROJ	PREPORUKA	POGLAVLJE/TAČKA
1.	Vršiti unos podataka u Registar imenovanih lica u skladu sa Odlukom o registru imenovanih lica u Kantonu Sarajevo.	4.
2.	Aktivnosti na izradi zakona i strateških dokumenata predviđenih programima rada izvršavati u planiranim rokovima.	5.
3.	U Analizi iskaza obrazložiti odstupanja ostvarenih od planiranih rashoda i izdataka, kako je to utvrđeno Pravilnikom o finansijskom izvještavanju i godišnjem obračunu budžeta u FBiH.	7.
4.	Ocjene izuzetno uspješan/naročito uspješan posebno obrazložiti i potkrijepiti činjenicama i dokazima, u skladu sa Pravilnikom o ocjenjivanju državnih službenika.	7.1.2.1
5.	Osigurati da svi zaposlenici uredno evidentiraju radno vrijeme i dnevnu pauzu na terminalima za evidenciju, u skladu sa Uredbom o pravilima kućnog reda i radnom vremenu u kantonalnim organima uprave.	7.1.2.1
6.	Za rad u komisijama donositi rješenje o utvrđivanju visine i isplati naknade nakon usvajanja izvještaja, a naknadu isplaćivati samo pod uslovima da su zadaci obavljeni izvan radnog vremena u skladu sa Uredbom o načinu obrazovanja radnih tijela koje obrazuje Vlada Kantona Sarajevo i rukovodioci kantonalnih organa državne službe i načinu utvrđivanja visine naknade za rad u radnim tijelima.	7.1.2.2
7.	Uslovne obaveze za rad u komisijama i po osnovu ugovora o djelu evidentirati u okviru vanbilansne evidencije u skladu sa Pravilnikom o knjigovodstvu budžeta u FBiH.	7.1.2.2
8.	U cilju transparentne raspodjele tekućeg transfera za realizaciju Programa podrške realizaciji projekata mladih potrebno je utvrditi mjerljive posebne kriterije i definisati dokumentaciju kojom se dokazuje njihova ispunjenost.	7.1.2.3
9.	Komisiju za razmatranje i ocjenu aplikacija iz oblasti nauke imenovati blagovremeno, a posebne uslove za ocjenu prijava objaviti u dokumentaciji uz javni poziv, u skladu sa Uredbom o dodjeli transfera neprofitnim organizacijama i pojedincima iz Budžeta Kantona.	7.1.2.3
10.	Sredstva predložena za rashod potrebno je preknjižiti na konto sredstava van upotrebe, a isknjižavanje iz Glavne knjige Trezora izvršiti na osnovu zapisnika o načinu uništenja, u skladu sa Pravilnikom o knjigovodstvu budžeta u FBiH i Računovodstvenim politikama za budžetske korisnike i Trezor Kantona.	7.2.2
11.	Donijeti Pravilnik o popisu imovine i obaveza i izvršiti usklađivanje knjigovodstvenog sa stvarnim stanjem stalnih sredstava i obaveza, a izvještaje o popisu sačiniti na način da sadrži sve stavke i obrazloženja u skladu sa Zakonom o računovodstvu i reviziji u FBiH i Uputstvom o radu popisnih komisija i obavljanju popisa sredstava, potraživanja i obaveza.	7.2.4
12.	Plan javnih nabavki i izvještaje o provedenom postupku objavljivati u propisanim rokovima, te sačinjavati službenu zabilješku o istraživanju tržišta prije pokretanja postupka nabavke.	8.



III. KRITERIJI ZA FINANSIJSKU REVIZIJU

Ured za reviziju institucija u Federaciji Bosne i Hercegovine u okviru finansijske revizije provodi reviziju finansijskih izvještaja i reviziju usklađenosti. Revizija finansijskih izvještaja i revizija usklađenosti podrazumijevaju proces objektivnog prikupljanja i procjenjivanja dokaza kako bi se utvrdilo da li su predmeti revizije, tj. finansijski izvještaji, kao i aktivnosti, finansijske transakcije i informacije, usklađeni s odgovarajućim kriterijima koji su sadržani u zakonima i drugim propisima. Kriteriji predstavljaju poredbene parametre koji se koriste kako bi se dala ocjena predmeta revizije.

Za obavljanje finansijske revizije korišteni su sljedeći kriteriji:

- Zakon o budžetima u FBiH;
 - Uredba o računovodstvu budžeta u FBiH;
 - Pravilnik o knjigovodstvu budžeta u FBiH;
 - Pravilnik o finansijskom izvještavanju i godišnjem obračunu budžeta u FBiH;
 - Zakon o izvršavanju Budžeta Kantona Sarajevo za 2025. godinu;
 - Budžet Kantona Sarajevo za 2025. godinu;
 - Zakon o računovodstvu i reviziji u FBiH;
 - Zakon o trezoru u FBiH;
 - Zakon o ministarstvima i drugim organima uprave Kantona Sarajevo;
 - Zakon o finansijskom upravljanju i kontroli u javnom sektoru u FBiH;
 - Zakon o internoj reviziji u javnom sektoru u FBiH;
 - Zakon o državnoj službi u Kantonu Sarajevo, član 41;
 - Zakon o namještenicima u organima državne službe u FBiH, član 34;
 - Zakon o plaćama i naknadama u organima vlasti Kantona Sarajevo;
 - Zakon o porezu na dohodak, član 10;
 - Zakon o doprinosima, član 11;
 - Zakon o javnim nabavkama;
 - Zakon o radu, član 36. i 44;
- kao i drugi podzakonski akti navedenih zakona.



IV. IZVJEŠTAJ O REVIZIJI

1. UVOD

Ministarstvo za nauku, visoko obrazovanje i mlade Kantona Sarajevo osnovano je Zakonom o ministarstvima i drugim organima uprave Kantona Sarajevo.² Ministarstvo vrši upravne i stručne poslove utvrđene Zakonom i drugim propisima, koji se odnose na ostvarivanje nadležnosti Kantona u oblasti nauke, visokog obrazovanja i mladih.

Unutrašnja organizacija i način rada Ministarstva utvrđeni su Pravilnikom o unutrašnjoj organizaciji na koji je Vlada Kantona Sarajevo (u daljem tekstu: Vlada Kantona) dala saglasnost. Pravilnikom je sistematizovano 40 radnih mjesta, a na 31. 12. 2025. godine bilo je 17 zaposlenih.

Ministarstvom rukovodi ministrica Dušanka Bošković imenovana 15. 10. 2025. godine. Do 10. 4. 2025. godine Ministarstvom je rukovodila ministrica Adna Mesihović, imenovana 15. 11. 2023. godine, a razriješena 15. 10. 2025. godine.³ Zbog preventivne suspenzije ministrice, po ovlaštenju premijera Vlade Kantona funkciju ministra su vršili Darja Softić Kadenić u periodu od 14. 4. do 14. 7. i Zlatko Mijatović od 15. 7. do 14. 10. 2025. godine.

Sjedište Ministarstva je u Sarajevu, u ul. Reisa Džemaludina Čauševića broj 1.

2. PREDMET, CILJ I OBIM REVIZIJE

Predmet revizije su finansijski izvještaji Ministarstva za 2025. godinu i usklađenost aktivnosti, finansijskih transakcija i informacija s relevantnim zakonima i drugim propisima.

Cilj je da se izrazi mišljenje o tome jesu li finansijski izvještaji pouzdani i da li bilanci u potpunosti odražavaju rezultate izvršenja budžeta. Revizijom će se procijeniti primjenjuje li rukovodstvo institucije zakone i propise i koristi li sredstva za odgovarajuće namjene, te ocijeniti finansijsko upravljanje, sistem internih kontrola i funkcija interne revizije.

Revizija je obavljena u skladu s internim planskim dokumentima, s prekidima u periodu od novembra 2025. do juna 2026. godine.

S obzirom na to da se revizija obavlja ispitivanjem na bazi uzorka i da postoje inherentna ograničenja u računovodstvenom sistemu i sistemu internih kontrola, pojedine materijalno značajne greške mogu ostati neotkrivene.

3. PRAĆENJE PRIMJENE PREPORUKA I ANALIZA PREDUZETIH MJERA

Ured za reviziju institucija u FBiH prvi put vrši finansijsku reviziju Ministarstva za nauku, visoko obrazovanje i mlade Kantona Sarajevo. Nakon izvršene revizije za 2025. godinu dato je ukupno 12 preporuka.

Postupanje po Pismu menadžmentu

U toku obavljene prethodne revizije konstatovali smo da postoje određene slabosti sistema internih kontrola, koje mogu uticati na finansijske izvještaje i usklađenost poslovanja. Putem pisma menadžmentu koje je dostavljeno nakon obavljene prethodne revizije obavijestili smo o slabostima i dali odgovarajuće preporuke, kako bi se preduzele aktivnosti s ciljem njihovog otklanjanja prije sačinjavanja godišnjih finansijskih izvještaja za 2025. godinu, i kako se one ne bi ponovile u izvještaju o finansijskoj reviziji za 2025. godinu.

² „Sl. novine Kantona Sarajevo“, br. 40/22.

³ Tokom 2025. godine Komisija za izbor i imenovanja i administrativna pitanja Skupštine Kantona Sarajevo donijela je dva rješenja o preventivnoj suspenziji sa posla, te je ministrica Adna Mesihović preventivno suspendovana od 10. 4. 2025. godine.

U pismu menadžmentu date su dvije preporuke, od kojih je jedna implementirana do dana sačinjavanja izvještaja o finansijskoj reviziji, a jedna je djelimično implementirana.

4. SISTEM INTERNIH KONTROLA

Cilj sistema internih kontrola je da osigura razumno uvjerenje da Ministarstvo u poslovanju upravlja sredstvima zakonito, transparentno, ekonomično, efikasno i efektivno, odnosno da interne kontrole funkcionišu adekvatno i efikasno, u skladu s važećom regulativom.

Finansijsko upravljanje i kontrola

Finansijsko upravljanje i kontrola je sveobuhvatan sistem internih kontrola koji uspostavljaju i za koji su odgovorni rukovodioci korisnika javnih sredstava, a kojim se upravljajući rizicima osigurava razumno uvjerenje da će se u ostvarivanju ciljeva budžetska i druga sredstva koristiti pravilno, ekonomično, efikasno i efektivno. Sistem internih kontrola uspostavlja se donošenjem internih propisa i akata, u skladu s važećom regulativom.

Zakon o finansijskom upravljanju i kontroli u javnom sektoru u FBiH⁴ i Pravilnik o provođenju finansijskog upravljanja i kontrole u javnom sektoru FBiH⁵ nalažu uspostavljanje, vođenje i procjenu sistema internih kontrola na osnovu COSO modela.⁶

Ministarstvo je donijelo Pravilnik o unutrašnjoj organizaciji⁷ kojim je uređena unutrašnja organizacija, vrste organizacijskih jedinica i njihova nadležnost, sistematizacija radnih mjesta s opisom poslova, rukovođenje, ovlaštenja i odgovornost za obavljanje poslova, stručni kolegij, saradnja u vršenju poslova, programiranje i planiranje rada, radni odnosi i disciplinska odgovornost, ostvarivanje javnosti rada i druga pitanja od značaja za organizaciju i rad. Poslovi iz nadležnosti Ministarstva obavljaju se putem sljedećih osnovnih organizacionih jedinica: Sektor za nauku, Sektor za visoko obrazovanje, Sektor za mlade i Sektor za finansijsko-računovodstvene poslove, te izvan organizacionih jedinica su sistematizovani poslovi sekretara Ministarstva i pet državnih službenika i namještenika.

Sistematizovano je 40 radnih mjesta (ministar, sekretar ministarstva, četiri rukovodioca sektora i radna mjesta za 28 državnih službenika i pet namještenika.) Međutim, na 31. 12. 2025. godine popunjeno je 17 radnih mjesta i to: mjesto ministra, sekretara ministarstva, četiri rukovodioca, i radna mjesta deset državnih službenika i jednog namještenika, što je za 58% manje u odnosu na sistematizovana radna mjesta. S obzirom na to da nepopunjenost radnih mjesta ima uticaja na obavljanje poslova iz nadležnosti i nepovoljno kontrolno okruženje, Ministarstvo je poduzimalo određene aktivnosti na popuni upražnjenih radnih mjesta. Krajem 2024. godine pokrenulo je procedure za zapošljavanje tri državna službenika i dva namještenika. Zbog provođenja istražnih radnji od strane pravosudnih institucija tokom 2025. godine, između ostalog u procesu zapošljavanja u Ministarstvu, postupak zapošljavanja tri državna službenika nije okončan, dok je za dva namještenika okončan u 2026. godini.

Tokom 2025. godine Ministarstvo je bilo predmet inspeksijskog nadzora Upravnog inspektorata Ministarstva pravde i uprave Kantona i Budžetskog inspektorata Ministarstva finansija Kantona. Upravni inspektorat je prilikom nadzora utvrdio nepravilnosti u Pravilniku o unutrašnjoj organizaciji, te naložio njihovo otklanjanje. Predmet Budžetske inspekcije bila je osnovanost i isplata naknada za rad u komisijama i ugovorima o djelu u periodu 1. 1.-23. 4. 2025. po prijavi samog Ministarstva. Nakon inspeksijskog nadzora 23. 7. je sačinjen zapisnik, a 23. 9. doneseno rješenje kojim je naloženo otklanjanje uočenih nepravilnosti. Na ovo rješenje Ministarstvo je uložilo žalbu, koja je odbijena 22.

⁴ „Sl. novine FBiH“, br. 38/16

⁵ „Sl. novine FBiH“, br. 6/17, 3/19 i 37/24

⁶ COSO model je općeprihvaćeni međunarodni model za uspostavljanje, vođenje i procjenu sistema internih kontrola, koji čini pet međusobno povezanih komponenti: kontrolno okruženje, procjena rizika, kontrolne aktivnosti, informacije i komunikacije, praćenje i procjena.

⁷ „Sl. novine Kantona Sarajevo“, br. 54/23, 8/24, 32/24 i 52/24



10. 2025. godine. Ministarstvo je nakon toga 11. 12. 2025. godine Ministarstvu finansija Kantona dostavljena informacija o poduzetim aktivnostima.

Ministarstvo je u toku 2022. i 2023. godine izradilo Mapu poslovnih procesa, sačinilo Registar rizika i izvršilo procjenu i rangiranje rizika, kao i unos podataka u Aplikaciju PIFC (Modul za finansijsko upravljanje i kontrolu). Plan razvoja finansijskog upravljanja i kontrole za 2025. godinu nije sačinjen, zbog čega nije sačinjen ni Izvještaj o realizaciji plana za razvoj finansijskog upravljanja i kontrole za 2025. godinu. U februaru 2026. godine donesen je Plan razvoja finansijskog upravljanja i kontrole za 2026. godinu.

Godišnji izvještaj o funkcionisanju sistema finansijskog upravljanja i kontrole za 2025. godinu sačinjen je i dostavljen Ministarstvu finansija Kantona 24. 2. 2026. godine, u skladu s članom 14. Zakona o finansijskom upravljanju i kontroli u javnom sektoru u FBiH i članom 10. Pravilnika o provođenju finansijskog upravljanja i kontrole u javnom sektoru u FBiH. U Izvještaj su uključene i mjere koje treba poduzeti za otklanjanje utvrđenih nedostataka i propusta i za dalji razvoj finansijskog upravljanja i kontrole po COSO modelu, kojima je definisano razmatranje potrebe i mogućnosti uređivanja sukoba interesa, ažuriranje registra rizika, uvođenje evidencije obuka, unapređenje segmenta informacija i komunikacija i sistema izvještavanja.

Shodno navedenog, sistem internih kontrola uspostavljen je u skladu sa odredbama Zakona o finansijskom upravljanju i kontroli u javnom sektoru u FBiH i Pravilnika o provođenju finansijskog upravljanja i kontrole u javnom sektoru FBiH.

Izjave o fiskalnoj odgovornosti dostavljene su Ministarstvu finansija Kantona za period 14. 4. do 31. 12. 2025. godine. S obzirom na promjene ministara tokom 2025. godine dostavljene su tri izjave o fiskalnoj odgovornosti, koje su potpisane od ministara za period u kojem su bili imenovani ili vršili poslove ministra po ovlaštenju Premijera Vlade Kantona (od 14. 4. do 31. 12. 2025.). Izjava za period 1. 1. do 13. 4. 2025. nije potpisana od ministrice koja je bila imenovana u tom periodu, te samim tim nije ni dostavljena, prema izjašnjenju odgovorne osobe, zbog mjera zabrane izrečenih od pravosudnih institucija.

Interna revizija

Zakonom o internoj reviziji u javnom sektoru u FBiH⁸ i Pravilnikom o kriterijima za uspostavljanje jedinica za internu reviziju u javnom sektoru u FBiH⁹ definisani su način i obveznici uspostavljanja interne revizije, kao i vršenje interne revizije. Članom 12. Pravilnika je definisano da će kantoni formirati jedinice za internu reviziju koje će pokrivati sve budžetske organizacije prvog i drugog reda u sastavu kantona, a da one mogu uspostaviti jedinice za internu reviziju pod uslovom da ispunjavaju kriterije iz člana 3. Pravilnika. S obzirom na to da Ministarstvo nije ispunilo sve kriterije iz člana 3. Pravilnika, internu reviziju Ministarstva obavlja Jedinica za internu reviziju pri Ministarstvu finansija Kantona. Ministarstvo nije bilo predmet revizije Jedinice za internu reviziju u 2025. godini.

Prevenција korupcije

Ministarstvo je u julu 2025. godini donijelo Plan integriteta, u skladu s Akcionim planom za provedbu Strategije za borbu protiv korupcije u Kantonu. U oktobru 2022. donesen je Pravilnik za prevenciju i sprečavanje korupcije u Ministarstvu. Izvještaj o provođenju Plana integriteta sačinjen je 31. 3. 2026. godine i dostavljen Uredu za borbu protiv korupcije Kantona.

Odlukom o registru imenovanih lica u Kantonu Sarajevo¹⁰ propisana je obaveza unosa podataka u Registar imenovanih lica, između ostalog i za lica koji obavljaju funkcije predsjednika i članova komisija,

⁸ „Sl. novine FBiH“, br. 47/08 i 101/16

⁹ „Sl. novine FBiH“, br. 49/20

¹⁰ „Sl. novine Kantona Sarajevo“, br. 23/19 i 9/21



savjeta i drugih imenovanih radnih tijela.¹¹ Revizijom je utvrđeno da Ministarstvo nije unosilo podatke o svim imenovanim licima u Registar imenovanih lica, što nije u skladu sa navedenom Odlukom.

Preporuka:

- ***vršiti unos podataka u Registar imenovanih lica u skladu sa Odlukom o registru imenovanih lica u Kantonu Sarajevo.***

5. OBAVLJANJE POSLOVA IZ NADLEŽNOSTI

Zakonom o ministarstvima i drugim organima uprave Kantona Sarajevo propisano je da Ministarstvo vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti nauke, visokog obrazovanja i mladih. Pored navedenog ono obavlja i nadležne poslove propisane Zakonom visokom obrazovanju Kantona Sarajevo,¹² Zakonom o naučnoistraživačkoj djelatnosti,¹³ Zakonom o mladima FBiH,¹⁴ Zakonom o studentskom organizovanju na području Kantona Sarajevo¹⁵ i drugim propisima. Također, u nadležnosti Ministarstva je nadzor nad radom Univerziteta u Sarajevu i JU „Studentski centar“ Sarajevo.

Programom rada Ministarstva za 2025. godinu planirane su određene aktivnosti na sačinjavanju prijedloga i nacрта zakonskih propisa, izmjene zakonskih propisa i izradi strategija i drugih akata. Programom je planirano sačinjavanje nacрта zakonskih rješenja (Zakona o izmjenama i dopunama Zakona o naučnoistraživačkoj djelatnosti, Zakona o inovacijskoj djelatnosti Kantona Sarajevo, Zakona o izmjenama i dopunama Zakona o visokom obrazovanju, Zakona o studentskom standardu), te nacрта tri strategije (Strategija prema mladima Kantona Sarajevo 2024.-2030., Strategija razvoja visokog obrazovanja Kantona Sarajevo, Strategija razvoja nauke Kantona Sarajevo 2025-2028.), te prijedlog Akcionog plana za provođenje Strategije prema mladima Kantona Sarajevo 2024-2030. godina.

Ministarstvo je tokom godine sačinilo i uputilo u dalju proceduru Zakon o izmjenama i dopunama Zakona o visokom obrazovanju, koji je usvojila Skupština. Strategiju prema mladima Kantona Sarajevo 2024-2030. i Akcioni plan za provođenje Strategije usvojila je Skupština, odnosno Vlada. Strategiju razvoja nauke Kantona Sarajevo 2025-2028. je usvojila Vlada, te je upućena Skupštini na daljnje odlučivanje.

Međutim, radni nacrti Zakona o izmjenama i dopunama zakona o naučnoistraživačkoj djelatnosti i Zakon o inovacijskoj djelatnosti Kantona Sarajevo su sačinjeni i dostavljeni ministru, ali nije bilo daljnjih aktivnosti na njihovom usvajanju. Nacrt Zakona o studentskom standardu u Kantonu Sarajevo nije sačinjen, iako je bilo aktivnosti tokom 2025. godine, dok aktivnosti na sačinjavanju Strategije razvoja visokog obrazovanja Kantona nisu ni započete.

Shodno navedeno, aktivnosti na izradi zakona i strateških dokumenata koje su predviđene Programom rada Ministarstva nisu izvršene u planiranim rokovima.

Preporuka:

- ***aktivnosti na izradi zakona i strateških dokumenata predviđenih programima rada izvršavati u planiranim rokovima.***

¹¹ Uredbom je propisano da se u Registar unose podaci o imenovanim licima i to: ime i prezime, funkcija imenovanja, naziv i sjedište Institucije u koju je izvršeno imenovanje, datum početka i kraja obnašanja imenovane funkcije, da li je predviđena naknada, te iznos i vrsta naknade, pravno lice i naziv radnog mjesta u kojem je imenovana osoba zaposlena, stručna sprema lica i drugo.

¹² „Sl. novine Kantona Sarajevo“, br. 36/22 i 28/25

¹³ „Sl. novine Kantona Sarajevo“, br. 26/16

¹⁴ „Sl. novine FBiH“, br. 36/10

¹⁵ „Sl. novine Kantona Sarajevo“, br. 11/10



6. PLANIRANJE I IZVJEŠTAVANJE

6.1 Izrada i donošenje budžeta

Budžetom Kantona za 2025. godinu¹⁶ Ministarstvu su odobrena sredstva u iznosu od 11.283.856 KM. Odobrena sredstva odnose se na: tekuće transfere i druge tekuće rashode (9.277.700 KM), plaće i naknade troškova zaposlenih (1.221.374 KM), izdatke za materijal, sitan inventar i usluge (628.000 KM), doprinose (93.374 KM), izdatke za nabavku stalnih sredstava (63.308 KM) i kapitalne transfere (100 KM). Do donošenja Budžeta Kantona, na snazi je bila Odluka o privremenom finansiranju potreba Kantona za period 1. 1. do 31. 3. 2025. godine.¹⁷

U toku revidirane godine Vlada Kantona je donijela devet Zaključaka o preraspodjeli sredstava između budžetskih korisnika koje su uticale na umanjenje ukupno odobrenih sredstava Ministarstvu u iznosu od 2.823.773 KM, i to:

- tekući transferi neprofitnim organizacijama (nauka) umanjani su u iznosu od 2.271.229 KM;
- tekući transferi neprofitnim organizacijama (inkluzija-visoko obrazovanje) umanjani su u iznosu od 284.745 KM. Ova sredstva su odobrena za finansiranje naknada mentorima shodno Sporazumu o realizaciji metodičke, pedagoške, psihološke i edukacijsko – rehabilitacijske prakse na studijskim programima Univerziteta u Sarajevu, koji je zaključen 22. 4. 2024. godine na period od pet godina, između Univerziteta, Ministarstva i Ministarstva za odgoj i obrazovanje Kantona.
- tekući transferi pojedincima umanjani su u iznosu od 220.000 KM;
- ugovorene i druge usluge umanjene su za 30.000 KM;
- izdaci za nabavku stalnih sredstava umanjani su za 17.000 KM;
- naknade troškova zaposlenih umanjene su za 799 KM.

Pored navedenog, Zaključkom Vlade Kantona od 7. 11. 2025. godine je za 3.500.000 KM izvršena prenamjena sredstava sa izvora 10-budžetska sredstva na izvor 50-transferi. Naime, navedeni iznos umanjen je sa pozicije tekućih transfera neprofitnim organizacijama – nauka, sa izvora 10-budžetska sredstva Ministarstva i odobren Ministarstvu za rad, socijalnu politiku, raseljena lica i izbjeglice Kantona u cilju realizacije tekućeg transfera pojedincima za zaštitu porodica sa djecom. Također, isti iznos je sa pozicije tekućeg transfera pojedincima za zaštitu porodica sa djecom Ministarstva za rad, socijalnu politiku, raseljena lica i izbjeglice Kantona sa izvora 50-transferi odobren Ministarstvu na poziciju tekućih transfera neprofitnim organizacijama – nauka, također, na izvor 50-transferi, čime je u konačnici izvršena prenamjena sredstava Ministarstva u iznosu od 3.500.000 KM sa izvora 10-budžetska sredstva na izvor 50-transferi.

Odlukom Ministarstva finansija Kantona povećane su naknade troškova zaposlenih u iznosu od 10.000 KM, na teret ugovorenih i drugih posebnih usluga.

Ukupno raspoloživa sredstva Ministarstva za 2025. godinu iznosila su 7.716.024 KM.

Ministarstvo je Godišnji program rada za 2025. godinu sačinilo i u oktobru 2024. godine dostavilo Vladi Kantona, u skladu s Odlukom o metodologiji izrade i donošenja godišnjih programa rada i godišnjih izvještaja o radu Vlade Kantona Sarajevo i kantonalnih organa.¹⁸ Trogodišnje planove rada Ministarstvo nije sačinjavalo do donošenja Odluke o metodologiji izrade i donošenja planova rada i izvještaja o radu Vlade Kantona Sarajevo i kantonalnih organa,¹⁹ kada je sačinjen Trogodišnji plan rada za period 2026-2028. godine.

¹⁶ „Sl. novine Kantona Sarajevo“, br. 13/25

¹⁷ „Sl. novine Kantona Sarajevo“, br. 52/24

¹⁸ „Sl. novine Kantona Sarajevo“, br. 1/23

¹⁹ „Sl. novine Kantona Sarajevo“, br. 18/25

6.2 Izvještavanje

Izvještaj o radu za 2025. godinu dostavljen je Vladi Kantona 30. 1. 2026. godine, u skladu s Odlukom o metodologiji izrade i donošenja godišnjih programa rada i godišnjih izvještaja o radu Vlade Kantona Sarajevo i kantonalnih organa iz 2023. godine.

7. FINANSIJSKI IZVJEŠTAJI

Ministarstvo je sačinilo Godišnje finansijske izvještaje za 2025. godinu i dostavilo ih nadležnim organima i institucijama u skladu s važećim propisima i u utvrđenom roku.

U Analizi iskaza, sačinjenoj uz godišnje računovodstvene izvještaje, obrazloženo je izvršenje budžeta, **ali nisu iskazana odstupanja ostvarenih od planiranih rashoda i izdataka, što nije u skladu s članom 31. Pravilnika o finansijskom izvještavanju i godišnjem obračunu budžeta u FBiH.**

Periodični izvještaji sačinjeni su i dostavljeni u skladu sa Pravilnikom o finansijskom izvještavanju i godišnjem obračunu budžeta u FBiH.

Konstatovano je da Godišnji izvještaj o izvršenju budžeta u dijelu planiranih iznosa prihoda i primitaka nije popunjen preuzimanjem iznosa iz odobrenog Budžeta za 2025. kako je to predviđeno Pravilnikom o finansijskom izvještavanju i godišnjem obračunu budžeta u FBiH. Navedena nepravilnost otklonjena je u postupku revizije.

Preporuka:

- ***u Analizi iskaza obrazložiti odstupanja ostvarenih od planiranih rashoda i izdataka, kako je to utvrđeno Pravilnikom o finansijskom izvještavanju i godišnjem obračunu budžeta u FBiH.***

7.1 GODIŠNJI IZVJEŠTAJ O IZVRŠENJU BUDŽETA

7.1.1 Prihodi i primici

U finansijskim izvještajima za 2025. godinu ukupno ostvareni prihodi i primici iskazani su u iznosu od 1.030.013 KM.

7.1.1.1 Neporezni prihodi

Neporezni prihodi iskazani su u iznosu od 25.072 KM i najvećim dijelom se odnose na ostale kantonalne naknade (25.028 KM).

Prihodi po osnovu ostalih kantonalnih naknada naplaćeni su u skladu sa Zakonom o visokom obrazovanju i Pravilnikom o postupku osnivanja i utvrđivanja uslova za upis u registar akreditovanih visokoškolskih ustanova na području Kantona i registar akreditovanih studijskih programa visokoškolskih ustanova na području Kantona.²⁰ Naknada troškova provođenja postupka osnivanja visokoškolske ustanove, članice/odsjecka ili statusnih promjena regulisana je odlukama Vlade Kantona. U revidiranoj godini uplata je izvršena za osnivanje visokoškolske ustanove „Visoka škola Austrijsko-Njemački Fakultet Zdravstvenih studija“ Sarajevo (20.018 KM) i Internacionalni Burč univerzitet po osnovu statusne promjene (5.000 KM).

7.1.1.2 Primljeni transferi i donacije

Primljeni transferi i donacije iskazani su u iznosu od 1.004.941 KM i odnose se na primljene transfere od Federacije (1.000.000 KM) i primljene transfere od međunarodnih organizacija (4.941 KM).

Ministarstvo finansija Kantona je na razdjelu Ministarstva u okviru primljenih transfera od Federacije evidentiralo 3.500.000 KM, od čega je utrošeno i kao prihod priznato 1.000.000 KM. Naime,

²⁰ „Sl. novine Kantona Sarajevo“, br. 46/23

Ministarstvo finansija je evidentiralo ova sredstva shodno Odluci Vlade FBiH od 24. 12. 2025. godine.²¹ Osim Odluke Vlade FBiH nije prezentirana druga dokumentacija na osnovu koje je izvršeno evidentiranje ovih sredstva na poziciji primljenih transfera Ministarstva. Od navedenog iznosa od 3.500.000 KM, utrošeno je i priznato kao prihod iznos od 1.000.000 KM, koji je odobren za sufinansiranje djelatnosti Akademije nauka i umjetnosti BiH u skladu sa Programom utroška sredstava i zaključenim Ugovorom o namjenskom korištenju sredstava. Preostali iznos sredstva od 2.500.000 KM nije utrošen i prenesen je na konto kratkoročnih vremenskih razgraničenja shodno Računovodstvenim politikama za budžetske korisnike i Trezor Kantona.

Primljeni transferi od međunarodnih organizacija odnose se na utrošena namjenska sredstva koja je za realizaciju projekta „Razvoj istraživačko-razvojnih strategija i centara u BiH“ uplatio Univerzitet u Novom Sadu, u ukupnom iznosu od 13.026 KM, te je ostatak neutrošenih sredstava u skladu s propisima prenesen na konto kratkoročnih vremenskih razgraničenja.

Vlada FBiH je krajem 2025. godine odobrila sredstva na ime dodjele finansijske pomoći budžetima kantona za provođenje strukturalnih reformi. U postupku revizije nije prezentiran akt Vlade Kantona o načinu raspodjele dodijeljenih sredstava, od kojih je dio od 3.500.000 KM iskazan na poziciji primljenih transfera Ministarstva. S obzirom na to da su sredstva dodijeljena kantonima na ime finansijske pomoći za provođenje strukturalnih reformi, s tim da se 20% sredstava može utrošiti za provođenje demografske politike i mjera u kantonima, u pitanje se dovodi i namjenski utrošak sredstva u iznosu od 1.000.000 KM, koja su doznačena Akademiji nauka i umjetnosti BiH za sufinansiranje redovne djelatnosti.

7.1.2 Rashodi, izdaci i finansiranje

U Godišnjem izvještaju o izvršenju budžeta za 2025. iskazani su rashodi i izdaci u iznosu od 4.892.133 KM, što u odnosu na planirana sredstva (11.283.856 KM) predstavlja izvršenje od 43,4%. Od toga se na rashode odnosi 4.880.909 KM, a na izdatke za nabavku stalnih sredstava 11.224 KM.

7.1.2.1 Plaće i naknade troškova zaposlenih

Plaće i naknade troškova zaposlenih iskazane su u iznosu od 856.232 KM, a čine ih bruto plaće i naknade plaća, te naknade troškova zaposlenih.

Bruto plaće i naknade plaća iskazane su u iznosu od 759.366 KM. Obračun plaća i naknada plaća propisan je Zakonom o plaćama i naknadama u organima vlasti Kantona Sarajevo,²² kolektivnim ugovorima,²³ Uredbom o naknadama koje nemaju karakter plaće²⁴ i Pravilnikom o plaćama i naknadama državnih službenika i namještenika u Ministarstvu. Izvršen je uvid u obračun i isplatu plaća na bazi uzorka za februar, maj, septembar i decembar 2025. godine.

Zakonom o plaćama i naknadama u organima vlasti u Kantonu Sarajevo propisano je da se osnovna plaća utvrđuje množenjem osnovice za plaću i boda, sa pripadajućim koeficijentom platnog razreda. Osnovna plaća uvećava se za 0,6% za svaku započetu godinu staža, a najviše do 20%. Aneksom II Kolektivnog ugovora za službenike organa uprave i sudske vlasti u FBiH, iz juna 2025. godine, maksimalna naknada za minuli rad povećana je sa 20%, na 24%.

Zakonom o izvršavanju Budžeta utvrđena je osnovica za obračun plaće u iznosu od 400 KM i bod u visini od 1,0.

Članom 21. Zakona o plaćama i naknadama u organima vlasti Kantona Sarajevo propisano je uvećanje plaće po osnovu radnog učinka. Prema Zakonu, način ocjenjivanja rada državnih službenika i procent uvećanja osnovne plaće po osnovu ocjene rada regulisat će se pravilnikom propisanim u

²¹ Odlukom Vlade FBiH od 24. 12. 2025. Kantonu je odobren iznos od 36.178.423 KM, na ime dodjele finansijske pomoći za provođenje strukturalnih reformi, s tim da se 20% sredstava može utrošiti za provođenje demografske politike i mjera u kantonima.

²² „Sl. novine Kantona Sarajevo“, br. 5/19, 40/22 i 6/25

²³ Kolektivni ugovor za državne službenike i namještenike u organima državne službe Kantona Sarajevo („Sl. novine Kantona Sarajevo“, br. 51/23 i 30/24) i Kolektivni ugovor za službenike organa uprave i sudske vlasti u FBiH („Sl. novine FBiH“, br. 98/23 i 46/25)

²⁴ „Sl. novine Kantona Sarajevo“, br. 17/19, 52/23 i 33/25

Zakonu o državnoj službi u Kantonu Sarajevo,²⁵ te da se procenti uvećanja plaće po osnovu ocjene rada primjenjuju i na ocjenu rada namještenika. Pravilnikom o ocjenjivanju državnih službenika,²⁶ koji je donesen na osnovu Zakona o državnoj službi u Kantonu Sarajevo, propisano je da ocjena „izuzetno uspješan“ mora biti posebno obrazložena i potkrijepljena činjenicama i dokazima, ali njime nije utvrđen procent uvećanja osnovne plaće po osnovu ocjene rada.

Međutim, Kolektivnim ugovorom za državne službenike i namještenike u organima državne službe Kantona Sarajevo je utvrđeno da se po osnovu ocjene rada osnovna plaća uvećava za 5%, za državne službenike i namještenike koji su u prethodnoj godini ocijenjeni kao „izuzetno uspješan“/„naročito uspješan“, a 2% za ocjenu „uspješan“.

Ocjenjivanje državnih službenika i namještenika u Ministarstvu je provedeno u propisanom roku, te je ocjenom „izuzetno uspješan“ ocijenjeno 14 državna službenika, a jedan namještenik ocjenom „naročito uspješan“, dok jedan državni službenik nije ocijenjen zbog odsustva dužeg od šest mjeseci. Uvidom u ocjenjivanje na bazi uzorka utvrđeno je da ocjene „izuzetno uspješan“/„naročito uspješan“ nisu posebno obrazložene i potkrijepljene činjenicama i dokazima.

S obzirom na to da ocjene nisu posebno obrazložene i potkrijepljene činjenicama i dokazima, ne možemo potvrditi da je ocjenjivanje provedeno u skladu sa Pravilnikom o ocjenjivanju državnih službenika. Navedeno ima posebnu važnost, s obzirom da ocjena za posljedicu ima i određeni procent uvećanja plaće i u toku 2025. godine svim ocijenjenim zaposlenicima plaća se uvećavala za 5% po osnovu najviše ocijene. Shodno navedenom, ne možemo potvrditi isplaćeni iznos po osnovu najviše ocjene za sve zaposlenike, kao ni da je postignuta svrha ocjenjivanja po pitanju boljeg učinka rada.

Pored navedenog, pomenutim Kolektivnim ugovorom Kantona utvrđeno je da se osnovna plaća uvećava za 10%²⁷ zbog općeg povećanja cijena dobara i usluga, a uslijed nemogućnosti povećanja koeficijenta propisanih zakonom. Uvidom u obračun i isplatu plaća, utvrđeno je da se osnovna plaća u ovom dijelu uvećava kako je to propisano Kolektivnim ugovorom Kantona. **Skrećemo pažnju da Zakon o plaćama i naknadama u organima vlasti Kantona Sarajevo ne predviđa uvećanje plaće po ovom osnovu.**

Uredbom o pravilima kućnog reda i radnom vremenu u kantonalnim organima uprave²⁸ između ostalog uređeno je radno vrijeme u organima uprave i vođenje evidencije prisustva na radnom mjestu. Uredbom je propisano da puno radno vrijeme iznosi 40 sati sedmično i utvrđeno je u vremenu od 8,00 do 16,30 sati, uz pravo na odmor u toku radnog vremena (dnevnu pauzu) od 30 minuta koja se ne uračunava u radno vrijeme.²⁹ Zaposlenici su dužni poštovati utvrđeno radno vrijeme i uredno evidentirati, na terminalima za evidenciju, svoje vrijeme dolaska/odlaska/izlaska/povratka, tokom radnog vremena. Kao i to da rukovodilac može voditi i pisanu evidenciju o prisustvu zaposlenika koja sadrži dolazak/odlazak/izlazak/povratak na posao. **Revizijom je utvrđeno da pojedini zaposlenici Ministarstva nisu uredno evidentirali vrijeme dolaska/odlaska/izlaska/povratka tokom radnog vremena i dnevne pauze, niti je prezentirana druga pisana evidencija o prisustvu. Shodno navedenom, konstatovano je da se evidencija o prisustvu zaposlenika na radnom mjestu ne vodi u skladu sa Uredbom o pravilima kućnog reda i radnom vremenu u kantonalnim organima uprave.**

Naknade troškova zaposlenih iskazane su u iznosu od 96.866 KM i odnose se na: naknadu za topli obrok (50.496 KM), pomoć u slučaju ostalih bolesti (23.697 KM), regres za godišnji odmor (12.784 KM) i naknadu za prevoz na posao i sa posla (9.889 KM). Uvidom na bazi uzorka u pojedine vrste naknada troškova zaposlenih, utvrđeno je da su obračun i isplata naknada troškova zaposlenih izvršeni u skladu sa zakonskim i podzakonskim propisima, te internim aktim Ministarstva.

²⁵ „Sl. novine Kantona Sarajevo“, br. 31/16, 45/19 i 6/25

²⁶ „Sl. novine Kantona Sarajevo“, br. 50/17 i 24/25

²⁷ Povećanje važi do izmjene članova Zakona kojim su propisani koeficijenti za obračun plaće, a najkasnije do isteka važenja Kolektivnog ugovora.

²⁸ „Sl. novine Kantona Sarajevo“, br. 38/22 i 33/25

²⁹ Ovom Uredbom predviđena je i mogućnost početka radnog vremena u intervalu od 7,30 do 8,30 sati, a završetka od 16,00 do 17,00 sati, a dnevna pauza koristi se od 11,00 do 11,30 sati ili od 11,30 do 12,00 sati.



Ocjene izuzetno uspješan/naročito uspješan nisu posebno obrazložene i potkrijepljene činjenicama i dokazima u skladu sa Pravilnikom o ocjenjivanju državnih službenika. Svi zaposlenici nisu uredno evidentirali vrijeme dolaska/odlaska/izlaska/povratka tokom radnog vremena i dnevne pauze u skladu sa Uredbom o pravilima kućnog reda i radnom vremenu u kantonalnim organima uprave.

Preporuke:

- *ocjene izuzetno uspješan/naročito uspješan posebno obrazložiti i potkrijepiti činjenicama i dokazima, u skladu sa Pravilnikom o ocjenjivanju državnih službenika;*
- *osigurati da svi zaposlenici uredno evidentiraju radno vrijeme i dnevnu pauzu na terminalima za evidenciju, u skladu sa Uredbom o pravilima kućnog reda i radnom vremenu u kantonalnim organima uprave.*

7.1.2.2 Izdaci za materijal, sitan inventar i usluge

Izdaci za materijal, sitan inventar i usluge iskazani su u iznosu od 312.695 KM i najvećim dijelom se odnose na ugovorene i druge posebne usluge (299.516 KM).

U okviru ugovorenih i drugih posebnih usluga najznačajniji su: izdaci za rad komisija (195.045 KM) i ostali izdaci za druge samostalne djelatnosti i povremeni samostalni rad (31.940 KM).

Izdaci za rad komisija najvećim dijelom se odnose na rad u: Upravnom odboru Univerziteta u Sarajevu (92.961 KM), komisijama i radnim grupama za izradu prijedloga i analiza zakonskih i podzakonskih akata (21.150 KM), komisijama za razmatranje i ocjenu aplikacija pristiglih na javne pozive za dodjelu transfera (12.910 KM), Savjetu za nauku (10.800 KM), Stručnom vijeću Instituta za razvoj preduniverzitetskog obrazovanja Kantona (10.000 KM). Na komisije formirane od Vlade Kantona odnosi se 129.521 KM, od Ministarstva 61.248 KM i ostale 4.276 KM. Za rad u komisijama u kojima su imenovani zaposlenici, uključujući i vanjske članove tih komisija, odnosi se 55.975 KM. Dio naknada za rad u komisijama isplaćen zaposlenicima imao je tretman prihoda od samostalne djelatnosti, dok je dio obračunat kroz plaću u iznosu od 32.740 KM.

Upravnom odboru Univerziteta u Sarajevu, koji broji 11 članova, isplaćena je neto naknada u iznosu od 92.961 KM, i to mjesečna neto naknada za predsjednika 50% prosječne neto plaće u FBiH u prethodna tri mjeseca, a članovima 40% ove plaće, kako je to i uređeno propisima.³⁰

Odlukom o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe (u daljnjem tekstu: Odluka)³¹ propisano je da se pod komisijom, pored onih koje obrazuje Vlada Kantona, smatra i komisija koju samostalno obrazuje rukovodilac kantonalnog organa državne službe, uz saglasnost Vlade. Članovi komisija istovremeno mogu biti angažovani u najviše dvije komisije. Rok za obavljanje poslova i zadataka ne može biti duži od 90 dana. Poslovi i zadaci komisije se smatraju izvršenim nakon prihvatanja izvještaja od Vlade Kantona ili ministra, nakon čega se donosi rješenje o visini i isplati naknade za rad u komisiji. Članovi komisije ostvaruju naknadu pod uslovom da su poslove i radne zadatke komisije obavljali poslije radnog vremena.

Na osnovu izvršene revizije, na bazi uzorka, obračuna i isplate naknada za rad u komisijama utvrđeno je da za komisije koje su obrazovane od strane Ministarstva nije pribavljana saglasnost Vlade. Pojedini zaposlenici su istovremeno imenovani u više od dvije komisije, obrazovane od Ministarstva ili Vlade Kantona. Za primjer navodimo da su dvije zaposlenice u januaru istovremeno bile imenovane u osam komisija, te su za rad u ovim komisijama u tom mjesecu primile naknadu najmanje od po 2.150 KM. Pojedine komisije su imenovane više puta po 90 dana za isti zadatak u istom sastavu, a kod pojedinih nije se donosilo rješenje o isplati nakon okončanja posla nego je naknada određena u rješenju o imenovanju, a isplaćena po usvajanju izvještaja bez donošenja rješenja o isplati naknade. Također,

³⁰ Zakon o plaćama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo i Odluka o utvrđivanju pojedinačnih iznosa mjesečne naknade za obavljanje dužnosti predsjednika i članova Upravnog odbora Univerziteta u Sarajevu

³¹ „Sl. novine Kantona Sarajevo“, br. 18/20

za neke komisije, osim navođenja na zapisnicima da je komisija radila van radnog vremena, nije nam prezentirana druga dokumentacija kojom se dokazuje rad van radnog vremena.³² Shodno navedenom, **Ministarstvo nije poštovalo navedenu Odluku u dijelu pribavljanja saglasnosti Vlade prije formiranja komisija, maksimalnog broja komisija u kojoj osoba učestvuje istovremeno, roka za obavljanje poslova i zadataka komisije, donošenja rješenja o isplati naknada nakon usvajanja izvještaja. Također, nismo se u potpunosti mogli uvjeriti da su sve komisije radile van radnog vremena.**

Vlada Kantona je donijela Uredbu o načinu obrazovanja radnih tijela koje obrazuje Vlada Kantona Sarajevo i rukovodioci kantonalnih organa državne službe i načinu utvrđivanja visine naknade za rad u radnim tijelima koja je stupila na snagu 5. 12. 2025. godine, kojom je ranija Odluka stavljena van snage. Ova Uredba ne propisuje ranije odredbe o obavezi pribavljanja saglasnosti za obrazovanje komisija od ministarstva, o maksimalnom broju komisija u kojima uposlenik može učestvovati, i data je mogućnost produženja roka za obavljanje zadatka za koji je formirana komisija. Shodno izmjeni propisa, preporuka je data samo za propuste koje su propisani i novom Uredbom.

Pored navedenog, utvrđeno je i da za imenovanja u komisije nije vršen unos u Registar imenovanih lica u Kantonu Sarajevo, što je detaljnije opisano i data preporuka u tački 4. Izvještaja.

Ostali izdaci za druge samostalne djelatnosti i povremeni samostalni rad se odnose na ugovore o djelu zaključene za akreditaciju visokoškolskih ustanova (20.317 KM) i ostale ugovore o djelu (14.700 KM).

Ugovori o djelu u iznosu 14.700 KM zaključeni su mjesečno, u periodu od januara do marta, sa četiri osobe za poslove unosa podataka u registre po javnim pozivima, pripreme i organizacije procesa izrade prijedloga realizacije medijske, informacijske i finansijske pismenosti u sistemu obrazovanja, usluge organizovanja sastanaka i logističke podrške unutar Ministarstva i za kreiranje i objavljivanje sadržaja na društvenim mrežama, prezentacije informacija o projektima Ministarstva i administrativne podrške stručnom savjetniku vezane za ostvarivanje prava na zdravstveno osiguranje. Uvidom u navedene ugovore o djelu i izvještaje o obavljenim poslovima utvrđeno je da su zaključivani i za poslove koji su utvrđeni unutar pojedinih radnih mjesta u Pravilniku o unutrašnjoj organizaciji Ministarstva, od kojih su neka i popunjena. Iste osobe su bile angažovane i tokom 2024. godine po ugovoru o djelu. **Shodno navedenom, ne možemo potvrditi osnovanost zaključivanja ugovora o djelu u iznosu od 14.700 KM, za obavljanje redovnih poslova koji su sistematizovani Pravilnikom Ministarstva i koji se obavljaju u kontinuitetu.** S obzirom na to da nakon obavljenog inspekcijskog nadzora od Budžetske inspekcije Ministarstva finansija Kantona, Ministarstvo nije zaključivalo ugovore o djelu, za ove nepravilnosti nije data preporuka.

Također, prema prezentiranim podacima, revizijom je utvrđeno da izdaci za rad komisija u neto iznosu od 15.225 KM i ugovori o djelu u iznosu od 2.400 KM iz prvog kvartala 2025. godine nisu evidentirani u računovodstvene evidencije,³³ niti plaćeni, zbog nedostatka operativnih sredstava u periodu Odluke o privremenom finansiranju za period 1. 1. – 31. 3. 2025. godine, a nadzorom Budžetske inspekcije naloženo je da se obustave sve isplate komisija i ugovora o djelu formiranih/zaključenih u periodu 1. 1. – 31. 3. 2025. godine. Navedene obaveze nisu evidentirane na vanbilansnoj evidenciji, što nije u skladu s Pravilnikom o knjigovodstvu budžeta u FBiH kojim je propisano da se na pozicijama vanbilansne evidencije iskazuju uslovne obaveze i potraživanja.

Slijedom navedenog, Ministarstvo prilikom formiranja komisija i isplate naknada za rad komisija nije dosljedno primijenilo odredbe Odluke o načinu obrazovanja i utvrđivanju visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe. Uсловne obaveze u iznosu od 17.625 KM, za pojedine komisije i dva ugovora o djelu, nisu evidentirane u vanbilansnoj evidenciji što nije u skladu sa Pravilnikom o knjigovodstvu budžeta u FBiH.

³² Pojedini članovi komisija za rad u komisijama koje su se održavale u zgradi Ministarstva, u evidencijama o prisustvu na radnom mjestu za dane kada je održana sjednica imaju evidentiran odlazak sa posla i prije 16:00.

³³ Ove obaveze se odnose na rad deset različitih komisija za februar, mart ili april i dva ugovora o djelu iz februara, odnosno aprila.

Preporuke:

- *za rad u komisijama donositi rješenje o utvrđivanju visine i isplati naknade nakon usvajanja izvještaja, a naknadu isplaćivati samo pod uslovima da su zadaci obavljeni izvan radnog vremena u skladu sa Uredbom o načinu obrazovanja radnih tijela koje obrazuje Vlada Kantona Sarajevo i rukovodioci kantonalnih organa državne službe i načinu utvrđivanja visine naknade za rad u radnim tijelima;*
- *uslovne obaveze za rad u komisijama i po osnovu ugovora o djelu evidentirati u okviru vanbilansne evidencije u skladu sa Pravilnikom o knjigovodstvu budžeta u FBiH.*

7.1.2.3 Tekući transferi i drugi tekući rashodi

Tekući transferi i drugi tekući rashodi iskazani su u iznosu od 3.650.585 KM, a odnose se na tekuće transfere pojedincima u iznosu od 204.866 KM i tekuće transfere neprofitnim organizacijama od 3.445.719 KM, od čega se na visoko obrazovanje odnosi 1.824.975 KM i nauku 1.620.744 KM.

Tekući transferi su Budžetom planirani u iznosu od 9.277.700 KM. Zakonom o izvršavanju Budžeta Kantona za 2025. godinu predviđeno je da će se sredstva tekućih transfera Ministarstva koristiti po programima koje donosi Vlada Kantona. Odluku o usvajanju Programa utroška sredstava sa kriterijima raspodjele tekućih i kapitalnih transfera Vlada Kantona je donijela 8. 5. 2025. godine, a u decembru 2025. izvršena je izmjena i za tekuće transfere planiran je iznos od 9.258.774 KM. Tekući transferi pojedincima planirani su u iznosu od 430.000 KM; transferi neprofitnim organizacijama za nauku od 6.430.000 KM; transferi neprofitnim organizacijama za visoko obrazovanje od 2.398.774 KM. Značajan iznos tekućih transfera nije realizovan, a zaključcima Vlade Kantona umanjani su transferi pojedincima za 220.000 KM i transferi neprofitnim organizacijama za 2.539.488 KM.

Uredbom o dodjeli transfera neprofitnim organizacijama i pojedincima iz Budžeta Kantona³⁴ utvrđeni su minimalni standardi planiranja, dodjele, praćenja i evaluacije rezultata utroška sredstava. Uvidom u navedenu Uredbu konstatovano je da nisu razdvojene aktivnosti selekcije i ocjene zaprimljenih prijava.

Tekući transferi pojedincima (204.866 KM) realizovani su za sufinansiranje troškova III ciklusa studija studenata na Univerzitetu u Sarajevu – dobitnika priznanja „Zlatna značka“ (73.600 KM), sufinansiranje troškova tehničke izrade i odbrane doktorske disertacije na visokoškolskim ustanovama Kantona (49.956 KM), osiguranje studenata koji nisu osigurani po drugom osnovu (43.960 KM) i sufinansiranje smještaja i ishrane studenata sa područja Kantona koji su smješteni u studentskim centrima/domovima na području drugih kantona (37.350 KM).

Sufinansiranje troškova III ciklusa studija studenata na Univerzitetu u Sarajevu – dobitnika priznanja „Zlatna značka“ (73.600 KM) izvršeno je po Javnom pozivu od 11. 6. 2025. godine za sufinansiranje naučnoistraživačkih/umjetničko-istraživačkih i istraživačko razvojnih projekata i programa iz Budžeta Kantona za 2025. godinu (u daljnjem tekstu: Javni poziv). Preliminarna rang lista sačinjena je u avgustu i predviđeno je sufinansiranje 20 korisnika sredstava u iznosu od po 80% od troškova III ciklusa studija. Po okončanju prigovora, Odluka o utvrđivanju konačne rang liste donesena je 19. 11. 2025. godine i utvrđeno je sufinansiranje 21 korisnika sredstava, sa kojima su ugovori zaključeni u decembru. Korisnici sredstava su Ministarstvu dostavljali dokaz o izvršenoj uplati III ciklusa studija.

Sufinansiranje troškova tehničke izrade i odbrane doktorske disertacije na visokoškolskim ustanovama Kantona (49.956 KM) realizovano je na osnovu Javnog poziva od 11. 6. 2025. godine. Za ove namjene osigurana su sredstva u iznosu od 50.000 KM, utvrđen minimalni iznos od 2.000 KM i maksimalan od 5.000 KM. Pristiglo je 46 prijava koje ispunjavaju uslove iz Javnog poziva i 11. 12. 2025. godine donesena je Odluka o utvrđivanju konačne liste dobitnika sredstava, te je svakom aplikantu odobren iznos od 1.086 KM. Sa korisnicima sredstava su zaključeni ugovori u decembru 2025. godine.

Osiguranje studenata koji nisu osigurani po drugom osnovu (43.960 KM) vrši se na osnovu spiska redovnih studenata koji se dostavlja Zavodu zdravstvenog osiguranja, a kojima je priznato pravo na

³⁴ „Sl. novine Kantona Sarajevo“, br. 22/21

zdravstveno osiguranje putem Ministarstva u skladu sa članom 19. tačka 13a. Zakona o zdravstvenom osiguranju i plaća se u iznosu od po 20 KM po osiguraniku u skladu sa Odlukom o osnovicama i stopama doprinosa za obavezno zdravstveno osiguranje. Ministarstvo je na mjesečnom nivou zdravstveno osiguranje plaćalo u prosjeku za 183 osiguranika.

Sufinansiranje smještaja i ishrane studenata sa područja Kantona koji su smješteni u studentskim centrima/domovima na području drugih kantona (37.350 KM) realizovano je na osnovu faktura studentskih centara/domova i priloženog spiska studenata. Osnov za realizaciju ovog transfera je Protokol o subvencioniranju smještaja i ishrane studenata u studentskim centrima/domovima u FBiH koji je potpisan 2001. godine od Vlade FBiH, kantonalnih vlada, studentskih centara i asocijacija studenata studentskih domova. Ministarstvo je u februaru 2025. godine dalo saglasnost studentskim centrima za povećanje subvencioniranog iznosa sa 219 KM na 249 KM po studentu.

Shodno navedenom, raspodjela tekućih transfera pojedincima izvršena je u skladu sa Programom utroška sredstava, objavljenim javnim pozivima i drugim aktima.

Tekući transferi neprofitnim organizacijama za visoko obrazovanje (1.824.975 KM) najvećim dijelom se odnose na doznake JU „Studentski centar“ Sarajevo (1.200.000 KM), JU Nacionalna i univerzitetska biblioteka BiH (420.000 KM) i Program podrške realizaciji projekata mladih sa područja Kantona (144.975 KM).

Odlukom o preuzimanju prava osnivača JU „Studentski centar“ Sarajevo (u daljnjem tekstu: Ustanova) u dijelu kojim obezbjeđuje životni standard studenata³⁵ regulisano je da se sredstva za rad Ustanove ostvaruju, osim ostalog, i putem mjesečnih dotacija iz Budžeta Kantona u iznosu od 43,6% bruto troškova zaposlenih angažovanih na poslovima smještaja i ishrane studenata. Ministarstvo je sa Ustanovom zaključilo ugovor o namjenskom korištenju sredstava 19. 5. 2025. godine u iznosu od 1.200.000 KM prema kojem je Ustanova bila dužna Ministarstvu dostaviti izvještaj o utrošku sredstava i godišnji program rada i izvještaj o radu. **Navedeni akti nisu prezentirani uz obrazloženje da ih Ustanova nije dostavila.**

Zakonom o privremenom preuzimanju sufinansiranja institucija kulture i obrazovanja čiji je osnivač BiH³⁶ Skupština Kantona utvrdila je institucije od javnog interesa za sufinansiranje plaća i naknada troškova zaposlenih i režijskih troškova. Shodno navedenom Zakonu Ministarstvo je sa JU Nacionalna i univerzitetska biblioteka BiH 19. 5. 2025. godine zaključilo ugovor o namjenskom korištenju sredstava, za sufinansiranje isplate plaća, naknada troškova zaposlenih, doprinosa i režijskih troškova. Iz prezentirane dokumentacije konstatovano je da je JU Nacionalna i univerzitetska biblioteka BiH ispunila obaveze iz ugovora i sredstva utrošila namjenski u skladu sa zaključenim ugovorom i navedenim Zakonom.

Za realizaciju Programa podrške realizaciji projekata mladih sa područja Kantona (144.975 KM), Ministarstvo je 19. 5. 2025. objavilo javni poziv. Budžetom je za ovaj Program podrške osigurano ukupno 200.000 KM, a javnim pozivom je predviđeno ukupno sedam podprograma, sa trajanjem od tri do šest mjeseci, s tim da realizacija počinje teći od dana potpisivanja ugovora, a jedan podnosilac prijave može podnijeti jedan projektni prijedlog sa traženim iznosom od maksimalno 10.000 KM. Također, utvrđeni su opšti i posebni kriteriji za dodjelu sredstava, prijavna dokumentacija, ograničenja korištenja sredstava (da se maksimalno 30% odobrenih sredstava može koristiti za isplatu administrativnih troškova, a ostatak za projektne aktivnosti; da se sredstva ne mogu realizovati za tehničku opremu i servisne usluge). Također, imenovana je Komisija za provođenje javnog poziva koja je donijela Poslovnik o radu, a donesene su i Smjernice za podnosiocima prijave. Na osnovu prezentirane dokumentacije konstatovano je da je utvrđeno 14 kriterija za vrednovanje projekata, da se projekti vrednuju sa minimalno jednim do maksimalno pet bodova, te da se za sufinansiranje odobravaju projekti vrednovani sa 2,5 do 5 bodova, a u zavisnosti od dodijeljenog broja bodova predlažu se projekti za sufinansiranje u iznosu od 30, 50, 70, 80 i 95% traženih sredstava.

³⁵ „Sl. novine Kantona Sarajevo“, br. 24/00

³⁶ „Sl. novine Kantona Sarajevo“, br. 17/24

Iz prezentirane dokumentacije konstatovano je da su posebni kriteriji za vrednovanje projekata u najvećoj mjeri preuzeti iz Uredbe o dodjeli transfera neprofitnim organizacijama i pojedincima iz Budžeta Kantona, kojom su utvrđeni minimalni standardi i dat okvir za dodjelu sredstava. Međutim, oni nisu usklađeni sa Programom podrške realizaciji projekata mladih i nisu utvrđeni podkriteriji, odnosno nisu razrađeni za njihovo bodovanje. Također, nije definisana dokumentacija kojom bi podnosioci prijava dokazali ispunjenost posebnih kriterija i na osnovu koje bi se izvršilo vrednovanje i ocjena aplikacija, a projekti su ocijenjeni isključivo na osnovu subjektivne procjene članova komisije.

Na osnovu navedenog, raspodjela sredstava tekućeg transfera za realizaciju Programa podrške realizaciji projekata mladih izvršena je bez primjene jasnih i mjerljivih kriterija za koje nije definisana dokumentacija kojom se dokazuje njihova ispunjenost. Navedeno ukazuje na to da nije osigurano transparentno i efikasno upravljanje budžetskim sredstvima u skladu sa članom 4. Zakona o budžetima u FBiH.

Preporuka:

- ***u cilju transparentne raspodjele tekućeg transfera za realizaciju Programa podrške realizaciji projekata mladih potrebno je utvrditi mjerljive posebne kriterije i definisati dokumentaciju kojom se dokazuje njihova ispunjenost.***

Tekući transferi neprofitnim organizacijama za nauku (1.620.744 KM) odnose se na transfer za Akademiju nauka i umjetnosti BiH (1.500.000 KM) i programe podrške nauke kroz sufinansiranje naučno-istraživačkih, umjetničko-istraživačkih i istraživačko-razvojnih projekata (120.744 KM).

Transfer za Akademiju nauka i umjetnosti BiH (u daljnjem tekstu: Akademija) odobren je za sufinansiranje djelatnosti Akademije u skladu sa Programom utroška sredstava i zaključenim Ugovorom o namjenskom korištenju sredstava. Sredstva su namijenjena za isplatu akademjskih nagrada, bruto plaća i materijalnih troškova. Iz prezentirane dokumentacije utvrđeno je da su sredstva utrošena u skladu sa Programom utroška sredstava i zaključenim Ugovorom. Međutim, za planiranje i raspodjelu ovih sredstava, izuzimajući Zakon o izvršavanju Budžeta Kantona za 2025. godinu, nije utvrđen zakonski osnov.

Za realizaciju Programa podrške nauke kroz sufinansiranje naučno-istraživačkih, umjetničko-istraživačkih i istraživačko-razvojnih projekata donesena je Odluka o utvrđivanju namjene, kriterija i načina raspodjele sredstava za podršku naučnoistraživačkoj djelatnosti na području Kantona i objavljen je Javni poziv od 11. 6. 2025. godine. Donesene su Smjernice za podnosiocima prijave kojim su date osnovne upute specifični zahtjevi, dokumentacija koja se prilaže, kriteriji za vrednovanje projekata i postupak evaluacije i vrednovanja projektnih prijedloga. Predviđena su četiri programa za sufinansiranje: jačanje naučne infrastrukture; jačanje publicističkih djelatnosti i kapaciteta za internacionalizaciju; sufinansiranje organizacije međunarodnih konferencija i događaja na području Kantona i program jačanja kapaciteta za apliciranje na istraživačke EU fondove. Javnim pozivom je predviđeno da se prijave sa traženom dokumentacijom dostavljaju do 1. 7. 2025. godine, a Komisija za razmatranje i ocjenu pristiglih aplikacija imenovana je tek nakon četiri mjeseca, 7. 11. 2025. godine. Navedeno nije u skladu sa Uredbom o dodjeli transfera neprofitnim organizacijama i pojedincima iz Budžeta Kantona, kojom je predviđeno da komisija počinje s radom nakon isteka roka za prijavu. Iz prezentirane dokumentacije, konstatovano je da je Komisija počela sa radom 17. 11. 2025. godine i do 10. 12. 2025. sačinila pet zapisnika. Preliminarne liste po projektima sačinjene su 1. 12. 2025., a odluke o utvrđivanju konačne liste ministrica je donijela 11. 12. 2025. godine. Sa korisnicima sredstava zaključeni su ugovori, a rok za dostavljanje izvještaja o namjenskom utrošku sredstava je najkasnije 30 dana od roka koji je projektom predviđen za realizaciju projektnih aktivnosti.

Za Program Jačanje publicističkih djelatnosti i kapaciteta za internacionalizaciju planirana je realizacija tri programa u ukupnom iznosu od 180.000 KM, od kojih je najznačajniji program koji se odnosi na sufinansiranje izdavanja i indeksiranja časopisa (100.000 KM). Za ovaj program utvrđen je maksimalan iznos od 10.000 KM. Zaprimito je 26 aplikacija, od kojih dvije nisu ispunile uslove iz Javnog poziva. Komisija je u toku rada utvrdila iznose za sufinansiranje, na osnovu baza u kojima su časopisi indeksirani, i to:



- maksimalnim iznos za časopise koji su indeksirani u WOS-u i SCOPUS-u, za časopise: „South East European Journal of Economics and Business“, „Glasnik hemičara i tehnologa“ i „Bosniaca“;
- časopisima indeksiranim u SCOPUS-u 75-80% od traženog iznosa, odnosno 80% maksimalnog iznosa ukoliko traženi iznos prelazi maksimalan iznos;
- časopisima indeksiranim u bazama EBSCO, CROSSREF, ERIH PLUS i CEEOL i sl. 50% od traženog iznosa, odnosno 50% maksimalnog iznosa ukoliko traženi iznos prelazi maksimalnih 10.000 KM koji se može dodijeliti;
- časopisima koje izdaju udruženja po 1.000 KM;
- za časopis iz oblasti umjetnosti pod nazivom „Muzika“ donesena je odluka da se sufinansira sa 7.000 KM.

Prezentiran je tabelarni pregled sa nazivom aplikanta i časopisa, indeksacijom časopisa i traženim iznosom, kao i u kojem je procentu je izvršeno sufinansiranje, odnosno na koji način je utvrđen odobreni iznos.

Za sufinansiranje organizacije međunarodnih konferencija i događaja na području Kantona planirano je 120.000 KM, i utvrđen maksimalan iznos od 10.000 KM za sufinansiranje jednog događaja ili konferencije. Zaprimitljene su 42 aplikacije od kojih je 35 ispunilo uslove iz Javnog poziva. Komisija je također u toku rada utvrdila iznose za sufinansiranje i događaje/konferencije podijelila u više kategorija uz određene izuzetke. Za konferencije i međunarodne događaje utvrđen je iznos od 7.000 KM; za međunarodni/regionalni događaji koji omogućavaju transfer znanja na visokom nivou iznos od 5.000 KM; za konferencije u organizaciji privatnih visokoškolskih ustanova iznos od 3.000 KM; za radionice i druge događaje utvrđeno je da će se sufinansirati sa po 2.000 KM; a izuzetak su određeni događaji u organizaciji udruženja za koje je utvrđen iznos od 1.000 KM. Prezentiran je tabelarni pregled sa nazivom aplikanta i konferencije/događaja, datumom održavanja, brojem učesnika, trajanjem, vrijednosti i traženim iznosom, način na koji su konferencije/događaja razvrstani u predviđene kategorije za koje je definisan iznos sufinansiranja.

Za program jačanja kapaciteta za apliciranje na istraživačke EU fondove Javnim pozivom je planirano 100.000 KM i utvrđen maksimalan iznos od 10.000 KM. Zaprimitljeno je 86 aplikacija, a uslove za sufinansiranje ispunile su 73. Po pitanju iznosa za sufinansiranje Komisija je utvrdila da se projekti Rektorata Univerziteta u Sarajevu sufinansiraju sa minimalno 50% od predviđenog maksimalnog iznosa, te da se sredstva odobravaju u zavisnosti od vrste projekta, na način da će se najveći iznos sredstava dodijeliti za HORIZON projekte (projekti Evropske unije kojima se finansiraju naučni projekti, tehnološki razvoj i inovacije).

Iz prezentirane dokumentacije utvrđeno je da je za realizaciju Programa podrške nauke Komisija za razmatranje i ocjenu pristiglih aplikacija, shodno predviđenim sredstvima odredila posebne uslove/kriterije na osnovu kojih se ocjenjuju prijave i utvrđuje iznos za sufinansiranje. Također, konstatovano je da su utvrđeni posebni kriteriji koji su mjerljivi i usklađeni sa utvrđenim programima. Međutim, ovi kriteriji nisu objavljeni u Javnom pozivu i donesenim Smjernicama za podnosiocima prijave. Navedeno nije u skladu sa Uredbom o dodjeli transfera neprofitnim organizacijama i pojedincima iz Budžeta Kantona, kojom je predviđeno da dokumentacija uz javni poziv sadrži posebne uslove na osnovu kojih se ocjenjuju prijave.

Shodno navedenom, Komisija za razmatranje i ocjenu pristiglih aplikacija za realizaciju Programa podrške nauke kroz sufinansiranje naučno-istraživačkih, umjetničko-istraživačkih i istraživačko-razvojnih projekata imenovana je četiri mjeseca nakon isteka roka za dostavljanje prijave, i tek u decembru 2025. okončan je postupak dodjele sredstava i zaključeni ugovori sa korisnicima sredstava. Također, navedena Komisija razmatrala je dio tekućih transfera pojedincima: za Sufinansiranje troškova III ciklusa studija studenata na Univerzitetu u Sarajevu – dobitnika priznanja „Zlatna značka“ i Sufinansiranje troškova tehničke izrade i odbrane doktorske disertacije na visokoškolskim ustanovama Kantona. S obzirom na to da Komisija nije imenovana odmah po objavi javnog poziva isto je uticalo na raspodjelu sredstava transfera krajem godine, a također i na kašnjenje u realizaciji odobrenih projekata.

Posebni kriteriji za ocjenu prijava nisu objavljeni u Javnom pozivu i Smjernicama za podnosiocima prijava, što nije u skladu sa Uredbom o dodjeli transfera neprofitnim organizacijama i pojedincima iz Budžeta Kantona.

Prema konačnim listama dobitnika sredstava po programima za podršku nauke odobrena su sredstva u ukupnom iznosu od 399.974 KM, od čega je Univerzitetu u Sarajevu odobreno 278.230 KM, a ostalim korisnicima koji nisu budžetski korisnici Kantona 121.744 KM. Od odobrenih sredstava, zbog nemogućnosti njihove realizacije, odustala u četiri fakulteta (ukupno 8.000 KM) i jedan ostali korisnik (1.000 KM). Shodno navedenom, na poziciji tekućih transfera neprofitnim organizacijama za programe podrške nauke Ministarstvo je iskazalo iznos od 120.744 KM, dok je Univerzitetu u Sarajevu kao budžetskom korisniku Kantona dodjela sredstava izvršena putem preraspodjele sredstava, sa pozicije tekućih transfera za nauku Ministarstva na odgovarajuće pozicije Rektorata i fakulteta, na osnovu prijedloga za preraspodjelu sredstava zaprimljenog od Univerziteta u Sarajevu.

Preporuka:

- ***komisiju za razmatranje i ocjenu aplikacija iz oblasti nauke imenovati blagovremeno, a posebne uslove za ocjenu prijava objaviti u dokumentaciji uz javni poziv, u skladu sa Uredbom o dodjeli transfera neprofitnim organizacijama i pojedincima iz Budžeta Kantona.***

7.2 BILANS STANJA

7.2.1 Gotovina, kratkoročna potraživanja, razgraničenja i zalihe

Gotovina, kratkoročna potraživanja, razgraničenja i zalihe iskazani su u iznosu od 4.704.011 KM, od čega su **finansijski i obračunski odnosi** (4.701.349 KM), a kratkoročna potraživanja po osnovu povrata više isplaćenih akontacija za službena putovanja (2.662 KM).

Na poziciji **finansijski i obračunski odnosi** s drugim povezanim jedinicama u skladu s propisima za budžetske korisnike koji nemaju transakcijske račune, iskazuje se razlika Aktive i Pasive.

7.2.2 Stalna sredstva

Sadašnja vrijednost stalnih sredstava iskazana je u iznosu od 136.822 KM (nabavne vrijednosti od 255.005 KM i ispravke vrijednosti 118.183 KM) i usaglašeni su sa izvorima stalnih sredstava.

Strukturu nabavne vrijednosti stalnih sredstava čine: oprema (236.262 KM), sredstva u obliku prava (7.518 KM) i oprema u pripremi (11.225 KM).

U toku godine iskazano je povećanje stalnih sredstava u iznosu od 11.225 KM, koliko su iskazani i izdaci za nabavku stalnih sredstava, a odnosi se na nabavku namještaja (7.012 KM) i kompjuterske opreme (4.213 KM). Smanjenje stalnih sredstava odnosi se na obračunatu amortizaciju (39.553 KM) i rashodovanje opreme (5.180 KM).

Pravilnikom o knjigovodstvu budžeta u FBiH i Računovodstvenim politikama za budžetske korisnike i Trezor Kantona utvrđeno je da je prilikom rashodovanja stalno sredstvo potrebno preknjižiti na poziciju sredstava van upotrebe i da se isknjižavanje vrši na osnovu zapisnika o načinu uništenja sredstva. Iz prezentirane dokumentacije konstatovano je da su stalna sredstva nabavne vrijednosti 5.180 KM direktno isknjižena preko konta ispravke vrijednosti, po Odluci o rashodovanju od 31. 12. 2025. godine, bez njihovog prenosa na konto sredstava van upotrebe. Također, s obzirom da je imovina u prostorijama Ministarstva, nije sačinjen Zapisnik o načinu uništenja.

Shodno navedenom, stalna sredstva predložena za rashod nisu preknjižena na poziciju sredstava van upotrebe do donošenja konačne odluke o načinu postupanja, nego su isknjižena iz Glavne knjige Trezora prije njihovog uništenja i sačinjavanja Zapisnika o načinu njihovog uništenja, što nije u skladu sa Pravilnikom o knjigovodstvu budžeta u FBiH i Računovodstvenim politikama za budžetske korisnike i Trezor Kantona.



Preporuka:

- **sredstva predložena za rashod potrebno je preknjižiti na konto sredstava van upotrebe, a isknjižavanje iz Glavne knjige Trezora izvršiti na osnovu zapisnika o načinu uništenja, u skladu sa Pravilnikom o knjigovodstvu budžeta u FBiH i Računovodstvenim politikama za budžetske korisnike i Trezor Kantona.**

7.2.3 Kratkoročne obaveze i razgraničenja

Kratkoročne obaveze i razgraničenja iskazani su u iznosu od 4.704.011 KM.

Kratkoročne tekuće obaveze u iznosu od 2.034.314 KM čine obaveze prema dobavljačima u iznosu od 1.786.690 KM i ostale kratkoročne obaveze od 14.187 KM. U okviru obaveza prema dobavljačima najznačajnije su prema korisnicima tekućih transfera, odnosno Akademiji nauka i umjetnosti BiH (1.037.277 KM) i Studentskom centru Sarajevo (540.000 KM).

Obaveze prema zaposlenim u iznosu od 77.267 KM odnose se na obračunate plaće, naknade plaća, poreze i doprinose, te naknade troškova zaposlenih za decembar 2025, koje su isplaćene u januaru 2026. godine.

Kratkoročna razgraničenja u iznosu od 2.592.430 KM odnose se neutrošena namjenska sredstva po osnovu primljenih tekućih transfera od Federacije (2.500.000 KM) i primljenih tekućih transfera od međunarodnih organizacija (84.345 KM za realizaciju Projekta Horizon koja je kao koordinator uplatio Farmaceutski fakultet Univerziteta u Sarajevu i 8.085 KM za realizaciju Projekta „Razvoj istraživačko-razvojnih strategija i centara u BiH“ koja je uplatio Univerzitet u Novom Sadu).

7.2.4 Popis imovine i obaveza

Zakonom o računovodstvu i reviziji u FBiH³⁷ propisana je obaveza da se najmanje jednom godišnje izvrši popis imovine s ciljem da se utvrdi stvarno stanje, te da se u poslovnim knjigama izvrši usklađivanje knjigovodstvenog sa stvarnim stanjem.

Ministarstvo nije donijelo Pravilnik o popisu imovine i obaveza, nego su u primjeni akti Ministarstva finansija, Pravilnik o kriterijima za rashodovanje, otpis, knjiženje viškova i manjkova stalnih sredstava i sitnog inventara i otpis potraživanja iz 2004. godine i Uputstvo o radu popisnih komisija i obavljanju popisa sredstava, potraživanja i obaveza za 2025. godinu. Odluku o provođenju redovnog godišnjeg popisa za 2025. godinu Ministarstvo je donijelo 5. 12. 2025. godine, kada je imenovana i Komisija za popis stalnih sredstava, sitnog inventara, potraživanja i obaveza na 31. 12. 2025. godine.

Iz prezentirane dokumentacije, konstatovano je da je komisija izvršila popis, sačinila popisne liste i 31. 12. 2025. godine sačinila Zapisnik o izvršenom popisu stalnih sredstava i sitnog inventara, a 28. 1. 2026. godine Izvještaj o popisu sredstava, potraživanja i obaveza. Komisija za popis nije unijela podatke o promjenama nastalim između dana popisa i 31. decembra, a što se odnosi na obračun amortizacije za 2025. godinu i iskazano stanje obaveza, zbog čega nije izvršeno usklađivanje knjigovodstvenog sa stvarnim stanjem na 31. 12. 2025. godine, kako je to predviđeno članom 22. Zakona o računovodstvu i reviziji u FBiH. Također, konstatovano je da Zapisnik o izvršenom popisu stalnih sredstava i sitnog inventara i Izvještaj o popisu sredstava, potraživanja i obaveza ne sadrže uporedni pregled stvarnog i knjigovodstvenog stanja stalnih sredstava, odnosno nisu sveobuhvatni i ne sadrže objašnjenja popisnih rezultata, kako je to propisano Uputstvom o radu popisnih komisija i obavljanju popisa sredstava, potraživanja i obaveza za 2025. godinu.

Shodno navedenom konstatovano je da Ministarstvo nije donijelo Pravilnik o popisu imovine i obaveza, da popisom nije izvršeno usklađivanje knjigovodstvenog sa stvarnim stanjem stalnih sredstava i obaveza, kao i da izvještaji o izvršenom popisu ne sadrže sve stavke predviđene Uputstvom o radu

³⁷ „Sl. novine FBiH“, br. 15/21



popisnih komisija i obavljanju popisa sredstava, potraživanja i obaveza za 2025. godinu. Navedeno nije u skladu sa odredbama Zakona o računovodstvu i reviziji u FBiH.

Preporuka:

- **donijeti Pravilnik o popisu imovine i obaveza i izvršiti usklađivanje knjigovodstvenog sa stvarnim stanjem stalnih sredstava i obaveza, a izvještaje o popisu sačiniti na način da sadrži sve stavke i obrazloženja u skladu sa Zakonom o računovodstvu i reviziji u FBiH i Uputstvom o radu popisnih komisija i obavljanju popisa sredstava, potraživanja i obaveza.**

8. JAVNE NABAVKE

Ministarstvo je donijelo Pravilnik o internim procedurama u postupku javnih nabavki roba, radova i usluga³⁸ kojim je uređena organizacija i način provođenja javnih nabavki, u skladu sa članom 13. Zakona o javnim nabavkama (u daljnjem tekstu: Zakon),³⁹ te Pravilnik o postupku direktnog sporazuma za nabavku roba, usluga i radova.⁴⁰

Ministarstvo planira i provodi specifične javne nabavke za potrebe Ministarstva, dok određene robe i usluge za zajedničke potrebe kantonalnih ministarstava se planiraju i provode putem Stručne službe za zajedničke poslove.

Zakonom je propisano da ugovorni organ objavljuje plan javnih nabavki, i to najkasnije u roku 30 dana od dana usvajanja budžeta na portalu Agencije za javne nabavke.

Privremeni plan javnih nabavki, za period privremenog finansiranja od 1. 1. do 31. 3. 2025. godine, objavljen je 27. 1. 2025. u iznosu od 18.135 KM. Budžet je usvojen 28. 3. 2025., a Plan javnih nabavki je objavljen 7. 5. 2025. godine, ukupne procijenjene vrijednosti od 80.145 KM.⁴¹ Tokom godine donesene su dvije izmjene i dopune Plana, tako da ukupna vrijednost planiranih javnih nabavki sa izmjenama i dopunama iznosi 73.125 KM. **Shodno navedenom, konstatovano je da Plan javnih nabavki nije objavljen u propisanom roku, što nije u skladu sa Zakonom o javnim nabavkama.**

Pregled planiranih i provedenih postupaka, kao i revidirani uzorak, dat je u tabeli:

Vrsta postupka	Planirane nabavke		Provedene nabavke			Revidirani uzorak	
	Broj postupaka	Iznos u KM	Broj postupaka	Iznos u KM	% u odnosu na plan	Broj postupaka	Iznos u KM
Direktni sporazum	16	73.125	16 ⁴²	29.748	40,7%	8	22.554
Ukupno	16	73.125	16	29.748	40,7%	8	22.554

Provedenom revizijom postupaka javnih nabavki utvrđene su sljedeće nepravilnosti:

- Članom 75. Zakona propisano je da je ugovorni organ obavezan dostaviti izvještaje o provedenom postupku, između ostalog i za direktni sporazum, u roku od 30 dana od dana zaključivanja ugovora (odnosno računa). Uvidom u postupke provedene putem direktnog sporazuma utvrđeno je da su pojedini izvještaji o provedenom postupku podneseni sa kašnjenjem.⁴³ Pored toga, za pojedine nabavke putem direktnog sporazuma, izvještaji nisu ni podneseni.⁴⁴ **Shodno navedenom, nepodnošenje izvještaja o provedenom postupku ili nepoštivanje roka za njegovo podnošenje nije u skladu sa članom 75. Zakona.**

³⁸ Broj: 27/01-0-3400.1/22 od 8. 2. 2022. godine

³⁹ „Sl. glasnik BiH“, br. 39/14, 59/22 i 50/24

⁴⁰ Broj: 27-05-11-3400-2.1/22 od 18. 2. 2022. godine

⁴¹ Svi iznosi iskazani su sa PDV-om

⁴² Tri planirana postupaka putem direktnog sporazuma, provedeno u više navrata (devet postupaka) u manjim iznosima. Šest direktnih sporazuma, planirane vrijednosti 29.835 KM, nije ni provedeno.

⁴³ Nabavka računara i računarske opreme, kancelarijski namještaj, ugostiteljske usluge, te nabavke kancelarijskog materijala i marketinških usluga provedene u 2024. godini za koje su izvještaji podneseni u maju 2025. godine

⁴⁴ Godišnja pretplata na stručnu literaturu (Paragraf lex d.o.o.), usluge oglašavanja u dnevnim novinama (Avaz d.o.o. i DL Trgovina d.o.o.) i stručna edukacija zaposlenih (Fin-consult d.o.o.)



- Članom 14a. Zakona propisano je da se prije pokretanja postupka, vrši prethodna provjera tržišta, te sačinjava pisana zabilješka o svim radnjama i postupcima provjere. Uvidom u prezentiranu dokumentaciju, utvrđeno je da prije pokretanja javne nabavke putem direktnih sporazuma **nisu sačinjavane zabilješke o istraživanju tržišta zbog čega nije postupljeno u skladu s članom 14a. Zakona.**

Na osnovu izvršene revizije, konstatovano je da Ministarstvo kod provedenih javnih nabavki, nije postupilo u skladu sa Zakonom u dijelu objavljivanja Plana javnih nabavki u propisnom roku, nepodnošenje izvještaja o provedenom postupku za pojedine postupke ili nepoštivanje roka za njegovo podnošenje, te sačinjavanja službene zabilješke o prethodnoj provjeri tržišta prije pokretanja nabavke.

Preporuka:

- *Plan javnih nabavki i izvještaje o provedenom postupku objavljivati u propisanim rokovima, te sačinjavati službenu zabilješku o istraživanju tržišta prije pokretanja postupka nabavke.*

9. KOMENTARI NA NACRT IZVJEŠTAJA

Na dostavljeni Nacrt izvještaja o izvršenoj finansijskoj reviziji za 2025. godinu Ministarstvo je 18. 6. 2025. godine dostavilo komentar, u kojem je navelo da prihvata nalaze i preporuke navedene u dostavljenom Nacrtu, kao i da će poduzeti aktivnosti na realizaciji datih preporuka u skladu sa važećim propisima i raspoloživim kapacitetima.

Reviziju Ministarstva za nauku, visoko obrazovanje i mlade Kantona Sarajevo obavio je revizorski tim u sastavu: Anisa Prasko – vođa tima, i Bakir Likić – član tima.

Vođa tima

Anisa Prasko, s. r.

**Rukovoditeljica Sektora
za razvoj, metodologiju i upravljanje
kvalitetom**

Mia Buljubašić, s. r.

**Rukovoditeljica Sektora
za finansijsku reviziju preduzeća
u većinskom državnom vlasništvu**

Belma Mušinović, s. r.

V. PRILOZI

- 1. GODIŠNJI FINANSIJSKI IZVJEŠTAJI**
- 2. IZJAVA RUKOVODSTVA**



BOSNA I HERCEGOVINA
FEDERACIJA BOSNE I HERCEGOVINE

OBRAZAC GIB

Identifikacijski broj: 420284129000

šifra po kvalifikacionoj

djelatnosti: 84.11

Organizacijski broj: 35010001

Nadležno ministarstvo KANTON SARAJEVO

Operativni broj: 35010001

Funkcionalni kod:0980

Potrošačka jedinica Ministarstvo za nauku,visoko obrazovanje i mlade Kantona Sarajevo

Sjedište potrošačke jedinice SARAJEVO

Fond: 01

Pojedinačni obrasci: X

Konsolidovani obrasci: -

GODIŠNJI IZVJEŠTAJ O IZVRŠENJU BUDŽETA
Period izvještavanja : od 01.01.2025. do 31.12.2025. godine

R.b.	Broj Konta	POZICIJA	Oznaka za AOP	Planirano	Ostvareno		Odstupanje (4-3)	Procenat 4/3 x 100
					u tekućoj godini	u prethodnoj godini		
	1	2		3	4	5	6	7
1		PRIHODI (2+17+36)	200	300.000	1.030.013	1.175.841	730.013	343,3%
2	710000	PRIHODI OD POREZA (3+7+9+11+13+14+15+16)	201	0	0	0	0	#DIV/0!
3	711000	Porezi na dobit pojedinaca i preduzeća (4+5+6)	202	0	0	0	0	0,0%
4	711100	Porezi na dobit pojedinaca (zaostale uplate poreza)	203	0	0	0	0	0,0%
5	711200	Porezi na dobit preduzeća	204	0	0	0	0	0,0%
6	711900	Porez na dobit banaka i dr.fin.organizacija, društava za osiguranje i reosiguranje imovine i lica, pravnih lica iz oblasti elektroprivrede, pošte i telekomunikacija i pravnih lica iz oblasti igara na sreću i ostalih preduzeća	205	0	0	0	0	0,0%
7	712000	Doprinosi za socijalnu zaštitu (7=8)	206	0	0	0	0	0,0%
8	712100	Doprinosi za socijalnu zaštitu	207	0	0	0	0	0,0%
9	713000	Porezi na plaću i radnu snagu (13=14)	208	0	0	0	0	0,0%
10	713100	Porezi na plaću (zaostale uplate poreza)	209	0	0	0	0	0,0%
11	714000	Porez na imovinu (15=16)	210				0	#DIV/0!
12	714100	Porez na imovinu	211				0	#DIV/0!



13	715000	Domaći porezi na dobra i usluge	212	0		0	0	0,0%
14	716000	Porezi na dohodak	213	0		0	0	0,0%
15	717000	Prihodi od indirektnih poreza	214		0	0	0	#DIV/0!
16	719000	Ostali porezi	215	0	0	0	0	0,0%
17	720000	NEPOREZNI PRIHODI (18+26+34+35)	216	0	25.072	29.975	25.072	#DIV/0!
18	721000	Prihodi od poduzetničkih aktivnosti i imovine i prihodi od pozitivnih kursnih razlika (19+.....+25)	217	0	0	0	0	#DIV/0!
19	721100	Prihodi od nefin.javnih preduzeća i fin. Institucija	218				0	0,0%
20	721200	Ostali prihodi od imovine	219		0		0	#DIV/0!
21	721300	Kamate i dividende primljene od pozajmica i učešća u kapitalu	220		0	0	0	0,0%
22	721400	Naknade primljene od pozajmica i učešća u kapitalu	221	0	0	0	0	0,0%
23	721500	Prihodi od pozitivnih kursnih razlika	222	0	0	0	0	0,0%
24	721600	Prihodi od privatizacije	223	0	0	0	0	0,0%
25	721700	Prihodi po osnovu premije i provizije za izdatu garanciju	224	0	0	0	0	0,0%
26	722000	Naknade i takse i prihodi od pružanja javnih usluga (27+.....33)	225	0	25.072	29.975	25.072	#DIV/0!
27	722100	Administrativne takse	226	0		0	0	0,0%
28	722200	Sudske takse	227	0		0	0	0,0%
29	722300	Komunalne naknade i takse	228			0	0	#DIV/0!
30	722400	Ostale budžetske naknade i takse	229	0	25.028	30.000	25.028	0,0%
31	722500	Naknade i takse po federalnim zakonima i drugim propisima	230			0	0	0,0%
32	722600	Prihodi od pružanja javnih usluga (prihodi od vlastitih djelatnosti korisnika budžeta i vlastiti prihodi)	231		44	-25	44	0,0%
33	722700	Neplanirane uplate-prihodi	232				0	#DIV/0!
34	723000	Novčane kazne	233				0	#DIV/0!
35	777000	Drugi tekući prihodi	234	0	0	0	0	0,0%
36		PRIMLJENI TRANSFERI (Transferi i donacije) (37+38+39+40+41+42)	235	300.000	1.004.941	1.145.866	704.941	335,0%
37	731100	Primljeni tekući transferi od inostranih Vlada i međunarodnih organizacija	236		4.941	14.882	4.941	0,0%
38	732100	Primljeni transferi od ostalih nivoa vlasti	237	300.000	1.000.000	1.130.984	700.000	333,3%
39	741100	Primljeni kapitalni transferi od inostranih Vlada	238	0	0	0	0	0,0%
40	742100	Kapitalni transferi od ostalih nivoa vlasti i fondova	239			0	0	0,0%
41	742200	Kapitalni transferi iz nevladinih izvora	240	0	0	0	0	0,0%
42	733100	Donacije	241			0	0	0,0%
43		R A S H O D I (44+47+48+58+67+75+80)	242	11.220.648	4.880.909	5.600.251	-6.339.739	43,5%
44	611000	Plaće i naknade troškova zaposlenih (45+46)	243	1.221.374	856.232	844.938	-365.142	70,1%
45	611100	Bruto plaće i naknade plaća	244	1.103.324	759.366	753.804	-343.958	68,8%



46	611200	Naknade troškova zaposlenih	245	118.050	96.866	91.134	-21.184	82,1%
47	612000	Doprinosi poslodavca i ostali doprinosi	246	93.374	61.397	80.656	-31.977	65,8%
48	613000	Izdaci za materijal, sitan inventar i usluge (49+.....+57)	247	628.100	312.695	568.389	-315.405	49,8%
49	613100	Putni troškovi	248	15.000	12.852	27.505	-2.148	85,7%
50	613200	Izdaci za energiju	249				0	#DIV/0!
51	613300	Izdaci za komunikaciju i komunalne usluge	250				0	#DIV/0!
52	613400	Nabavka materijala i sitnog inventara	251	8.300	0	6.263	-8.300	0,0%
53	613500	Izdaci za usluge prevoza i goriva	252	100	0	0	-100	0,0%
54	613600	Unajmljivanje imovine, opreme i nematerijalne imovine	253	100	0	0	-100	0,0%
55	613700	Izdaci za tekuće održavanje	254	500	0	0	-500	0,0%
56	613800	Izdaci osiguranja, bankarskih usluga i usluga platnog prometa	255	1.100	327	185	-773	29,7%
57	613900	Ugovorene i druge posebne usluge	256	603.000	299.516	534.436	-303.484	49,7%
58	614000	Tekući transferi i drugi tekući rashodi (59+.....+66)	257	9.277.700	3.650.585	4.106.268	-5.627.115	39,3%
59	614100	Tekući transferi drugim nivoima vlasti	258	100	0	0	-100	0,0%
60	614200	Tekući transferi pojedincima	259	430.000	204.866	125.355	-225.134	47,6%
61	614300	Tekući transferi neprofitnim organizacijama	260	8.847.500	3.445.719	3.980.913	-5.401.781	38,9%
62	614400	Subvencije javnim preduzećima	261				0	#DIV/0!
63	614500	Subvencije privatnim preduzećima i poduzetnicima	262	0	0	0	0	0,0%
64	614600	Subvencije finansijskim institucijama	263	0	0	0	0	0,0%
65	614700	Tekući transferi u inostranstvo	264				0	0,0%
66	614800	Drugi tekući rashodi	265	100			-100	0,0%
67	615000	Kapitalni transferi (68+.....+74)	266	100	0	0	-100	0,0%
68	615100	Kapitalni transferi drugim nivoima vlasti	267	100			-100	0,0%
69	615200	Kapitalni transferi pojedincima	268	0	0	0	0	0,0%
70	615300	Kapitalni transferi neprofitnim organizacijama	269			0	0	0,0%
71	615400	Kapitalni transferi javnim preduzećima	270		0	0	0	0,0%
72	615500	Kapitalni transferi privatnim preduzećima i poduzetnicima	271	0	0	0	0	0,0%
73	615600	Kapitalni transferi finansijskim institucijama	272	0	0	0	0	0,0%
74	615700	Kapitalni transferi u inostranstvo	273	0	0	0	0	0,0%
75	616000	Izdaci za kamate (76+.....+79)	274	0	0	0	0	0,0%
76	616100	Kamate na pozajmice primljene kroz Državu	275	0		0	0	0,0%
77	616200	Izdaci za inostrane kamate	276	0		0	0	0,0%
78	616300	Kamate na domaće pozajmljivanje	277				0	0,0%
79	616500	Izdaci za kamate vezane za dug po izdatim garancijama	278	0	0	0	0	0,0%
80	600000	Tekuća budžetska rezerva	279					#DIV/0!
81		TEKUĆI SUFICIT (TEKUĆI DEFICIT) (1 minus 43)	280	-10.920.648	-3.850.896	-4.424.410	7.069.752	35,3%
82		TRANSAKCIJE U STALNIM SREDSTVIMA	281				0	0,0%



83		PRIMICI OD PRODAJE STALNIH SREDSTAVA (84+85+86)	282	0	0	0	0	0,0%
84	811100	Primici od prodaje stalnih sredstava	283		0		0	0,0%
85	811200	Primici od prodaje federalnih robnih rezervi	284	0		0	0	0,0%
86	811900	Ostali kapitalni primici	285	0		0	0	0,0%
87	821000	IZDACI ZA NABAVKU STALNIH SREDSTAVA (88+.....+93)	286	63.258	11.224	98.387	-52.034	17,7%
88	821100	Nabavka zemljišta, šuma i višegodišnjih zasada	287	0		0	0	0,0%
89	821200	Nabavka građevina	288	100		0	-100	0,0%
90	821300	Nabavka opreme	289	57.000	11.224	98.387	-45.776	19,7%
91	821400	Nabavka ostalih stalnih sredstava	290	0		0	0	#DIV/0!
92	821500	Nabavka stalnih sredstava u obliku prava	291	5.000			-5.000	0,0%
93	821600	Rekonstrukcija i investicijsko održavanje	292	1.158		0	-1.158	0,0%
94		NETO NABAVKA STALNIH SREDSTAVA (87 minus 83)	293	63.258	11.224	98.387	-52.034	17,7%
95		NETO POZAJMLJIVANJE (NETO ZADUŽIVANJE)= UKUPAN DEFICIT/SUFICIT (81 minus 94)	294	-10.983.906	-3.862.120	-4.522.797	7.121.786	0,0%
96		TRANSAKCIJE U FINANSIJSKOJ IMOVINI	295		0	0	0	0,0%
97		PRIMICI OD FINANSIJSKE IMOVINE (98+.....+104)	296	0	0	0	0	0,0%
98	813100	Primljene otplate od pozajmljivanja drugim nivoima vlasti	297	0	0	0	0	0,0%
99	813200	Primljene otplate od pozajmljivanja pojedincima i neprofitnim organizacijama	298	0	0	0	0	0,0%
100	813300	Primljene otplate od pozajmljivanja javnim preduzećima	299	0	0	0	0	0,0%
101	813400	Primitak sredstava po osnovu učešća u dionicama javnih preduzeća	300	0	0	0	0	0,0%
102	813500	Primitak sredstava po osnovu učešća u dionicama privatnih preduzeća i zajedničkim ulaganjima	301	0	0	0	0	0,0%
103	813600	Primljene otplate od ostalih vidova domaćeg pozajmljivanja	302	0	0	0	0	0,0%
104	813700	Primljene otplate od pozajmljivanja u inostranstvo	303	0	0	0	0	0,0%
105	822000	IZDACI ZA FINANSIJSKU IMOVINU (106+.....+112)	304	0	0	0	0	0,0%
106	822100	Pozajmljivanje drugim nivoima vlasti	305	0	0	0	0	0,0%
107	822200	Pozajmljivanje pojedincima, neprofitnim organizacijama i privatnim	306	0	0	0	0	0,0%
108	822300	Pozajmljivanje javnim preduzećima	307	0	0	0	0	0,0%
109	822400	Izdaci za kupovinu dionica javnih preduzeća	308	0	0	0	0	0,0%
110	822500	Izdaci za kupovinu dionica privatnih preduzeća i učešće u zajedničkim ulaganjima	309	0	0	0	0	0,0%
111	822600	Ostala domaća pozajmljivanja	310	0	0	0	0	0,0%



112	822700	Pozajmljivanje u inostranstvo	311	0	0	0	0	0,0%
113		NETO POVEĆANJE (SMANJENJE) FINANSIJSKE IMOVINE (97 minus 105)	312	0	0	0	0	0,0%
114		TRANSAKCIJE U FINANSIJSKIM OBAVEZAMA	313	0	0	0	0	0,0%
115		PRIMICI OD ZADUŽIVANJA (116+120)	314	1.158	0	0	-1.158	0,0%
116	814000	Primici od dugoročnog zaduživanja (117+118+119)	315	1.158	0	0	-1.158	0,0%
117	814100	Zajmovi primljeni kroz državu	316		0	0	0	0,0%
118	814200	Primici od inostranog zaduživanja	317	0	0	0	0	0,0%
119	814300	Primici od domaćeg zaduživanja	318	1.158			-1.158	0,0%
120	815000	Primici od kratkoročnog zaduživanja (121+122+123)	319	0	0	0	0	0,0%
121	815100	Zajmovi primljeni kroz državu	320	0	0	0	0	0,0%
122	815200	Primici od inostranog zaduživanja	321	0	0	0	0	0,0%
123	815300	Primici od domaćeg zaduživanja	322	0	0	0	0	0,0%
124	823000	IZDACI ZA OTPLATE DUGOVA (125+.....+130)	323	0	0	0	0	0,0%
125	823100	Otplate dugova primljenih kroz državu	324	0	0	0	0	0,0%
126	823200	Vanjske otplate	325	0	0	0	0	0,0%
127	823300	Otplate domaćeg pozajmljivanja	326				0	0,0%
128	823400	Otplata unutrašnjeg duga	327	0	0	0	0	0,0%
129	823500	Otplata duga po izdanim garancijama	328	0	0	0	0	0,0%
130	823600	Otkup duga	329	0	0		0	0,0%
131		NETO ZADUŽIVANJE (NETO OTPLATE DUGOVA (115 minus 124)	330	1.158	0	0	-1.158	0,0%
132		UKUPAN FINANSIJSKI REZULTAT (95+113+131)	331	-10.982.748	-3.862.120	-4.522.797	7.120.628	0,0%
133		SINTETIČKA KLASIFIKACIJA FUNKCIJA VLADE (COFOG) (134+143+149+156+166+173+180+187+194+203)	332	11.283.856	4.892.133	5.698.638	-6.391.723	0,0%
134	01	Opšte javne usluge (135+.....+142)	333	0	0	0	0	0,0%
135	011	Izvršni i zakonodavni organi, finansijski i fiskalni poslovi, vanjski poslovi	334	0	0	0	0	0,0%
136	012	Strana ekonomska pomoć	335	0	0	0	0	0,0%
137	013	Opće usluge	336	0	0	0	0	0,0%
138	014	Osnovno istraživanje	337	0	0	0	0	0,0%
139	015	II R Opće javne usluge	338	0	0	0	0	0,0%
140	016	Opće javne usluge n. k.	339	0	0	0	0	0,0%
141	017	Transakcije vezane za javni dug	340	0	0	0	0	0,0%



142	018	Transferi općeg karaktera između različitih nivoa vlasti	341	0	0	0	0	0,0%
143	02	Obrana(144+.....+148)	342	0	0	0	0	0,0%
144	021	Vojna odbrana	343	0	0	0	0	0,0%
145	022	Civilna odbrana	344	0	0	0	0	0,0%
146	023	Inostrana vojna pomoć	345	0	0	0	0	0,0%
147	024	liR Odbrana	346	0	0	0	0	0,0%
148	025	Odbrana n. k.	347	0	0	0	0	0,0%
149	03	Javni red i sigurnost (150+.....+155)	348	0	0	0	0	0,0%
150	031	Policijske usluge	349	0	0	0	0	0,0%
151	032	Usluge protivpožarne zaštite	350	0	0	0	0	0,0%
152	033	Sudovi	351	0	0	0	0	0,0%
153	034	Zatvori	352	0	0	0	0	0,0%
154	035	liR Javni red i sigurnost	353	0	0	0	0	0,0%
155	036	Javni red i sigurnost n. k.	354	0	0	0	0	0,0%
156	04	Ekonomski poslovi (157+.....+165)	355	0	0	0	0	0,0%
157	041	Opći ekonomski, komercijalni i poslovi po pitanju rada	356	0	0	0	0	0,0%
158	042	Poljoprivreda, šumarstvo, lov i ribolov	357	0	0	0	0	0,0%
159	043	Gorivo i energija	358	0	0	0	0	0,0%
160	044	Rudarstvo, proizvodnja i izgradnja	359	0	0	0	0	0,0%
161	045	Transport	360	0	0	0	0	0,0%
162	046	Komunikacije	361	0	0	0	0	0,0%
163	047	Ostale industrije	362	0	0	0	0	0,0%
164	048	liR Ekonomski poslovi	363	0	0	0	0	0,0%
165	049	Ekonomski poslovi n. k.	364	0	0	0	0	0,0%
166	05	Zaštita životne sredine (167+.....+172)	365	0	0	0	0	0,0%
167	051	Upravljanje otpadom	366	0	0	0	0	0,0%
168	052	Upravljanje otpadnim vodama	367	0	0	0	0	0,0%
169	053	Smanjenje zagađenosti	368	0	0	0	0	0,0%
170	054	Zaštita raznovrsnosti flore i faune i zaštita krajolika	369	0	0	0	0	0,0%
171	055	liR Zaštita životne sredine	370	0	0	0	0	0,0%
172	056	Zaštita životne sredine n. k.	371	0	0	0	0	0,0%
173	06	Stambeni i zajednički poslovi (174+.....+179)	372	0	0	0	0	0,0%
174	061	Stambeni razvoj	373	0	0	0	0	0,0%
175	062	Razvoj zajednice	374	0	0	0	0	0,0%
176	063	Vodosnabdijevanje	375	0	0	0	0	0,0%
177	064	Ulična rasvjeta	376	0	0	0	0	0,0%
178	065	liR Stambeni i zajednički poslovi	377	0	0	0	0	0,0%
179	066	Stambeni i zajednički poslovi n. k.	378	0	0	0	0	0,0%
180	07	Zdravstvo (181+.....+186)	379	0	0	0	0	0,0%



181	071	Medicinski proizvodi, uređaji i oprema	380	0	0	0	0	0,0%
182	072	Vanbolničke usluge	381	0	0	0	0	0,0%
183	073	Bolničke usluge	382	0	0	0	0	0,0%
184	074	Usluge zdravstvene zaštite	383	0	0	0	0	0,0%
185	075	IIR Zdravstvo	384	0	0	0	0	0,0%
186	076	Zdravstvo n. k.	385	0	0	0	0	0,0%
187	08	Rekreacija, kultura i religija (188+.....+193)	386	0	0	0	0	0,0%
188	081	Usluge sporta i rekreacije	387	0	0	0	0	0,0%
189	082	Usluge kulture	388	0	0	0	0	0,0%
190	083	Usluge emitiranja i izdavaštva	389	0	0	0	0	0,0%
191	084	Religijske i druge zajedničke usluge	390	0	0	0	0	0,0%
192	085	IIR Rekreacija, kultura i religija	391	0	0	0	0	0,0%
193	086	Rekreacija, kultura i religija n. k.	392	0	0	0	0	0,0%
194	09	Obrazovanje (195+.....+202)	393	11.283.856	4.892.133	5.698.638	-6.391.723	0,0%
195	091	Predškolsko i osnovno obrazovanje	394	0	0	0	0	0,0%
196	092	Srednje obrazovanje	395	0	0	0	0	0,0%
197	093	Obrazovanje poslije srednje škole koje nije visoko obrazovanje	396	0	0	0	0	0,0%
198	094	Visoko obrazovanje	397	0	0	0	0	0,0%
199	095	Obrazovanje koje nije definirano nivoom	398	0	0	0	0	0,0%
200	096	Pomoćne usluge obrazovanju	399	0	0	0	0	0,0%
201	097	IIR Obrazovanje	400	0	0	0	0	0,0%
202	098	Obrazovanje n. k.	401	11.283.856	4.892.133	5.698.638	-6.391.723	0,0%
203	10	Socijalna zaštita (204+.....+212)	402	0	0	0	0	0,0%
204	101	Bolest i hendikepiranost	403	0	0	0	0	0,0%
205	102	Starost	404	0	0	0	0	0,0%
206	103	Nasljednici	405	0	0	0	0	0,0%
207	104	Porodica i djeca	406	0	0	0	0	0,0%
208	105	Nezaposlenost	407	0	0	0	0	0,0%
209	106	Stanovanje	408	0	0	0	0	0,0%
210	107	Socijalno isključenje n. k.	409	0	0	0	0	0,0%
211	108	IIR Socijalna zaštita	410	0	0	0	0	0,0%
212	109	Socijalna zaštita n. k.	411	0	0	0	0	0,0%

U Sarajevu, Certificirani računovođa Muradija Babović

Rukovodilac

Dana 10.03.2026. godine Broj dozvole: XXXXXXXXXX

M.P.

BOSNA I HERCEGOVINA
FEDERACIJA BOSNE I HERCEGOVINE

VLADA KANTONA SARAJEVO
Nadležno ministarstvo

Ministarstvo za nauku, visoko obrazovanje i mlade KS
Potrošačka jedinica - glava

Sarajevo-Centar
Sjedište potrošačke jedinice

Obrazac BS
4202841290000
Identifikacioni broj
84.11
Šifra po kvalifikacionoj djelatnosti
35010001
Organizacioni broj
35010001
Operativni broj
0980
Funkcionalni kod
01
Fond
Pojedinačni obrasci: ☒
Konsolidovani obrasci: ☐

BILANS STANJA
na dan 31.12.2025. godine

- u KM -

R.b.	Broj konta	Pozicija	Oznaka za AOP	U obračunskom periodu tekuće godine	U istom obračunskom periodu prethodne godine	Procenat (4/5) × 100
1	2	3	4	5	6	
1		I AKTIVA				
2	100000+ 200000	A. Gotovina, kratkoročna potraživanja, razgraničenja i zalihe (3 do 10)	001	4.704.011	196.205	2.397,50
3	110000	Novčana sredstva i plemeniti metali	002	0	0	
4	120000	Vrijednosni papiri	003			
5	130000	Kratkoročna potraživanja	004	2.662	2.538	104,89
6	140000	Kratkoročni plasmani	005			
7	160000	Finansijski i obračunski odnosi sa drugim povezanim jedinicama	006	4.701.349	193.667	2.427,54
8	210000	Zalihe materijala i robe	007			
9	220000	Zalihe sitnog inventara	008			
10	190000	Kratkoročna razgraničenja	009			
11	000000	B. Stalna sredstva (14+17+20+21)	010	136.822	168.803	81,05
12	011000	Stalna sredstva	011	255.005	248.960	102,43
13	011900	Ispravka vrijednosti stalnih sredstava	012	118.183	80.157	147,44
14	011-0119	Neotpisana vrijednost stalnih sredstava (12-13)	013	136.822	168.803	81,05
15	020000	Dugoročni plasmani	014	0	0	
16	029000	Ispravka vrijednosti dugoročnih plasmana	015			
17	020-029	Neotpisana vrijednost dugoročnih plasmana (15-16)	016	0	0	
18	031000	Vrijednosni papiri	017	0	0	
19	031900	Ispravka vrijednosti vrijednosnih papira	018			
20	031-0319	Neotpisana vrijednost vrijednosnih papira (18-19)	019	0	0	
21	09	Dugoročna razgraničenja	020			
22		UKUPNA AKTIVA (2+11) = 41	021	4.840.833	365.008	1.326,23

10326171550701

Kontrolni broj: 10326171550701

str. 1 od 2



	1	2	3	4	5	6
17	823000	Izdaci za otplate dugova (od 18 do 23)	516	0	0	
18	823100	Otplate dugova primljenih kroz Državu	517	0	0	
19	823200	Vanjske otplate	518			
20	823300	Otplate domaćeg pozajmljivanja	519			
21	823400	Otplate unutrašnjeg duga	520			
22	823500	Otplate duga po izdatim garancijama	521			
23	823600	Otkup duga	522			
24		IZVORI FINANSIRANJA (25 + 29 + 37 + 41)	523	0	0	
25	811000	Kapitalni primici od prodaje stalnih sredstava (26+27+28)	524	0	0	
26	811100	Primici od prodaje stalnih sredstava	525	0	0	
27	811200	Primici od prodaje federalnih robnih rezervi	526			
28	811900	Ostali kapitalni primici	527			
29	813000	Primici od finansijske imovine (30+....+36)	528			
30	813100	Primljene otplate od pozajmljivanja drugim nivoima vlasti	529			
31	813200	Primljene otplate od pozajmljivanja pojedincima i neprofitnim organizacijama	530			
32	813300	Primljene otplate od pozajmljivanja javnim preduzećima	531			
33	813400	Primitak sredstava po osnovu učešća u dionicama javnih preduzeća	532			
34	813500	Primitak sredstava po osnovu učešća u dionicama privatnih preduzeća i u zajedničkim ulaganjima	533			
35	813600	Primljene otplate od ostalih vidova domaćeg pozajmljivanja	534			
36	813700	Primljene otplate od pozajmljivanja u inostranstvo	535			
37	814000	Primici od dugoročnog zaduživanja (38+39+40)	536	0	0	
38	814100	Zajmovi primljeni kroz Državu	537	0	0	
39	814200	Primici od inostranog zaduživanja	538			
40	814300	Primici od domaćeg zaduživanja	539			
41	815000	Primici od kratkoročnog zaduživanja (42+43+44)	540	0	0	
42	815100	Zajmovi primljeni kroz Državu	541	0	0	
43	815200	Primici od inostranog zaduživanja	542			
44	815300	Primici od domaćeg zaduživanja	543			

Sarajevo-Centar, 08.02.2026.

Mjesto i datum

BABOVIĆ (HAMDIJA) MURADIJA

Certifikovani računovođa

Broj licence

Kontakt

Prof.dr. Dušanka Bošković

M.P.

Rukovodilac

Kontrolni broj: 194438447375799591

str. 2 od 2



Bosna i Hercegovina
Federacija Bosne i Hercegovine
KANTON SARAJEVO
Ministarstvo za nauku, visoko
obrazovanje i mlade



Босна и Херцеговина
Федерација Босне и Херцеговине
КАНТОН САРАЈЕВО
Министарство за науку, високо
образовање и младе

Bosnia and Herzegovina
Federation of Bosnia and Herzegovina

CANTON SARAJEVO
Ministry for Science, Higher Education and Youth

Broj: 27-05-11-7130-1/26
Sarajevo, 16.06.2026. godine

URED ZA REVIZIJU INSTITUCIJA U FBiH
UL. Ložionička 3
71000 Sarajevo

IZJAVA RUKOVODSTVA

Ova izjava (u skladu sa zahtjevima ISSAI-ja 2580) daje se u vezi s vašom finansijskom revizijom **Ministarstva za nauku, visoko obrazovanje i mlade Kantona Sarajevo** za 2025. godinu, u svrhu izražavanja mišljenja o tome da li finansijski izvještaji daju istinit i objektivan prikaz, po svim materijalno značajnim aspektima, u skladu s posebnim propisima Federacije BiH za budžetske korisnike o računovodstvu i finansijskom izvještavanju u javnom sektoru. Izjava se daje i u svrhu potvrđivanja da su aktivnosti, finansijske transakcije i informacije, prikazane u finansijskim izvještajima **Ministarstva za nauku, visoko obrazovanje i mlade Kantona Sarajevo**, u svim značajnim aspektima usklađene s nadležnom zakonskom i drugom pravnom regulativom.

Potvrđujemo sljedeće (po našem najboljem znanju i uvjerenju, nakon ispitivanja koje smo smatrali neophodnim kako bismo se odgovarajuće informisali):

Finansijski izvještaji

- Ispunili smo svoju odgovornost za pripremu finansijskih izvještaja u skladu s posebnim propisima Federacije BiH o računovodstvu i finansijskom izvještavanju u javnom sektoru.
- Značajne pretpostavke koje smo koristili u izradi računovodstvenih procjena, uključujući i one mjerene po fer vrijednosti, razumne su i osnovane.
- Odnosi i transakcije između povezanih strana adekvatno su računovodstveno obuhvaćene i objavljene u skladu s posebnim propisima Federacije BiH o računovodstvu i finansijskom izvještavanju.
- Pravilno smo procijenili, evidentirali i objavili sve gubitke po osnovu nenaplativih potraživanja, preuzetih obaveza i obezvređivanja imovine.
- Preduzeli smo neophodne aktivnosti da spriječimo prevare i zloupotrebe javnih sredstava za slučajeve koji su nam bili poznati.
- Nije bilo neusklađenosti sa zahtjevima nadležne zakonske i druge pravne regulative, koje bi, u slučaju nepoštovanja, mogle imati materijalno značajne efekte na finansijske izvještaje.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba



- Nabavke roba, usluga i radova proveli smo u skladu sa Zakonom o javnim nabavkama u BiH, rukovodeći se principima racionalnog trošenja javnih sredstava i obezbjeđivanja najboljeg kvaliteta nabavljenih roba, usluga i radova.
- Postupili smo u skladu sa svim aspektima odredbi ugovora (koje smo zaključili tokom godine ili u ranijem periodu), a koje bi, u slučaju nepridržavanja, mogle imati značajne efekte na finansijske izvještaje.
- Sve transakcije su evidentirane u računovodstvenim evidencijama i prezentovane u finansijskim izvještajima.

Omogućili smo vam

- pristup svim poslovnim knjigama, evidencijama i dokumentaciji, za koje smatramo da su relevantne za pripremu finansijskih izvještaja;
- pristup svim informacijama o sudskim sporovima u toku, pokrenutim protiv **Ministarstva za nauku, visoko obrazovanje i mlade Kantona Sarajevo** i koje je pokrenulo **Ministarstvo za nauku, visoko obrazovanje i mlade Kantona Sarajevo** i procjenu ishoda tih sporova;
- pristup dokumentaciji vezanoj za sudska poravnjenja i isplate po tim osnovama;
- dodatne informacije koje ste zahtijevali od nas za potrebe revizije;
- neograničen pristup osobama u **Ministarstvu za nauku, visoko obrazovanje i mlade Kantona Sarajevo** za koje ste utvrdili da je neophodno da daju revizorske dokaze.

Pružene informacije

- Otkrili smo vam sve poznate slučajeve neusklađenosti sa zakonskom i drugom pravnom regulativom ili sumnjama da one postoje.
- Otkrili smo vam identitet povezanih stranaka subjekta i sve odnose i transakcije koje su nam poznate.
- Dali smo sve informacije u vezi s prevarom ili sumnjom da ona postoji, za koje imamo saznanja i koje mogu uticati na subjekt, a uključuju:
 - rukovodstvo;
 - zaposlene koji imaju značajnu ulogu u internoj kontroli ili
 - ostale, gdje prevara može imati značajan učinak na finansijske izvještaje.



MINISTRICA

Prof. dr. Dušanka Bošković

Dostaviti:

1. Naslovu
2. Evidencija
3. Arhiva



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba

